



土岐文庫
文庫17
W3
10



文庫 17
W3
10

校訂困學紀聞五箋集證卷之十五上

攷史
浚儀 王應麟 伯厚
晉邱關氏 謝山全氏 易田程氏 義門何氏 樓山方氏 蔚亭萬氏
四明屠繼序校補

孟子曰天下可運於掌又曰以齊王由反手也豈儒者之空言哉
自唐肅宗之後紀綱不立叛兵逐帥叛將脅君習以為常極於
五季君如逆旅民墜塗炭我藝祖受天明命澡宇宙而新之一
階一級全歸伏事之儀發於聖訓著於令甲於是上下之分定
朝廷之體尊數百年陵犯之習片言而革至若餓狼餒虎肉視
吾民而咀啖之藝祖用儒臣為郡守以收節度之權選文臣為
縣令以去鎮將之貪一詔令之下而四海之內改視易聽運掌
反手之言於是驗矣

困學紀聞五箋集證卷之十五上

昭和六十年二月一日贈
土岐善吉唐氏寄

010185190051

集證

朱子曰趙韓王佐太祖區處天下收藩鎮之權立國家三百
年之安豈不是仁者之功明卿陳氏曰唐末藩鎮跋扈浸
淫至五代朝廷遂不能制宋太祖用趙普謀漸削其權或因其卒
或因遷徙致仕或因遙領他職皆以文臣代之不加誅戮而藩鎮
之禍已除是其妙用然終釀衰
弱之禍則亦貽謀之不善也

高宗之詔曰廷尉天下之平也高柔不以明帝喜怒而毀法

詳魏志高

柔游肇不以宣武救命而曲筆

附見北史游明根傳

況可觀望臣庶而容

心者乎曹劌謂小大之獄雖不能察必以情為忠之屬也可以

一戰左傳莊十年不其然乎布告中外為吾士師者各務仁平濟以

哀矜天高聽卑福善禍淫莫遂爾情罰及爾身置此座右永以

為訓

玉海紹興三年正月乙丑手詔

大哉王言幾於典誥矣

何云此詔乃南渡偏安之本

崔伯易

河名公度賦見文鑑

感山賦

閻云亡友顧景范以通鑑地理通釋載感山賦來問世何時人余取宋史崔公度以覆曰伯易其字也高郵人歐陽修得其所作感山賦示韓琦琦上之英宗即宣付史館賦全載宋文鑑卷之六以伯易為其名感山賦原名太行山賦以太行近時忌故改由韓先生作見係

公談圃○盧月船鑄以皇祐之版書較景德之圖錄雖增田三十四

萬餘頃反減賦七十一萬餘斛會計有錄非以增賦也陳君舉

名傳奏疏云自建隆至景德四十五年南征北伐未嘗無事而

金銀錢帛糧草雜物七千一百四十八萬計在州郡不會藏富

於州縣所以培護本根也

閻云有天下者上之藏富于民次之藏富于州縣至藏富于國斯下矣宋祖宗時可謂得中策

集證

宋史崔公度傳公度字伯易高郵人劉沆薦茂才異等辭疾不應命益閉戶讀書歐陽修得其所作感山賦以示韓琦琦上之英宗即付史館

真文忠公言本朝治體曰立國不以力勝仁理財不以利傷義御

民不以權易信用人不以才勝德思結乎人心富藏乎天下君

民相孚而猜忌不作材智不足而忠信有餘

表機仲言於孝宗曰威權在下則主勢弱故大臣逐臺諫以蔽人

宋史記開元五年

主之聰明威權在上則主勢強故大臣結臺諫以遏天下之公

議宋史表機仲之言未盡也臺諫為宰相私人權在下則助其

搏噬以張其威權在上則共為蔽蒙以掩其姦劉時可應起謂

臺諫之議論廟堂之風旨頗或參同夾袋之欲汰白簡之所收

率多暗合此猶婉而言之也開慶開云按理宗在位三十五年已未改元初邊事孔棘

御史有疏云虜雖強而必亡之勢已見咸淳開云按理宗初即位乙丑改元初召洪

君疇何云名天錫長臺端御史自造謗詩以尼其來罔上誣善至此

豈但參同暗合而已哉是以天子之耳目勿用檢人其惟端士

開云機仲名樞建安人即作通鑑紀事本末者君疇名天錫晉江人以侍御史召在道為監察御史張桂劾罷後官端明殿學士諡文毅

漢高帝三章之約我藝祖陳橋之誓所謂若時雨降民大悅者也

集證宋史太祖紀次陳橋諸校列拜策點檢為天子太祖叱之不

得驚犯宮闈陵朝貴不得忝市及犯府庫從吾令當厚資汝違吾令則連管孥戮

周益公云續通鑑長編多采近世士大夫所著如曾子宣日記之

偏王定國甲申錄之妄咸有取焉然李微之舊聞證誤執政不

坐奏事以王定國聞見錄為證聞見錄故事執政奏事坐論殿上

上曰朕日昏持文字近前執政至榻前密遣中使徹其坐執政立奏事自此始也與王沂公筆錄不同脩

長編時未見定國書故事專用筆錄然則長編所采摭猶有遺也

開云季仁父長編用力四十年而成明正嘉開人猶見全書天啓中錢牧齋只於內閣鈔得卷初五大本燬於絳雲之災四十年前無錫顧修遠從嘉興高氏購得凡三年上續通鑑長編自建隆至治平凡一百八卷今卷數正合

集證玉海四十七淳熙十年李燾為遂寧守始上續資治通鑑長

編全書自建隆至靖康凡九百八十八卷上重之以其書歲秘

府按李氏長編今存五百二十卷原本殘缺今從永樂大典校補

僅佚徽欽兩朝視嘉興高氏本較完矣周輝清波雜志云元祐

諸公皆有日記凡榻前奏對語及朝廷政事所歷官簿一時人材

賢否書之惟詳向於呂申公之後大虬家得曾文肅子宣日記數

巨帙雖私家交際及嬰孩疾病治療醫藥悉毋遺時屬淮上用兵擾擾不暇錄歸之後未見有此書按曾子宣日記宋志不著錄其佚久矣。簡明書且王定國甲申錄王鞏撰凡四十一條上起仁宗迄崇寧而止甲申者崇寧三年也。宋志李心傳舊聞證誤十五卷按今本四卷。書錄解題見聞近錄一卷宗正丞三槐王鞏定國撰按凡八十七條上起周世宗下迄宋神宗而太祖太宗真宗仁宗之事為多。通考王沂公筆錄一卷丞相清公青社王曾孝先撰記開國以來雜事凡三十六條。

晁景迂謂今賦役幾十倍於漢。晁說之元符三年應詔封事林勳謂租增唐七

倍又加夏稅錢通計無慮十倍。林勳本政書李微之謂布縷之征二

穀粟之征三力役之征四蓋用其十矣。季心傳舊聞證誤何云此宋之所以弱

集證 晁說之應詔封事本朝因唐楊炎并租庸調之二稅以為稅有常役則調春夫非春時則調急夫否則納夫錢是或再或三以調也其征於民者固已悉矣又復為舉放利息之術曰常平錢曰預買錢曰蠶鹽錢又復廣設名目悉籠遺利曰課利錢曰淨利錢曰過月錢曰施利錢其微尚多有司且難於條對也不知斯民整然何以勝其責乎有一身而叢此數責者將何以久乎。

止齋謂本朝名節自范文正公議論文章自歐陽子道學自周子

三君子皆萃於東南殆有天意。簡云王元美論從祀祿進仲淹而黜修蓋原知其以濮議祀非以功同昌黎

兩朝國史非寇準而是丁謂託之神宗聖訓蓋蒲宗孟之筆也王

允謂不可令佞臣執筆。見後漢蔡邕傳諒哉何云寇丁之相惡止於南人北人分朋報復不可獨以寇公為是也平

心錄其實斯得之矣全云寇公誠有祖北之病然與丁謂抵牾則君子小人之是非較矣何說謬

集證 玉海四十六卷熙寧十年命修兩朝仁宗英宗正史元豐五年

卷比之實錄事迹頗多但非寇準而是丁謂託之神宗聖訓上御垂拱殿引監修國史王珪修史官蒲宗孟李清臣王存趙彥若會肇進讀紀賜珪宗孟銀絹對衣金帶清臣等遷官

紹興開云高宗在位五年辛亥改元重修哲宗實錄獨元祐八年事皆無存者至參取

玉牒日麻諸書以足之僅得成書中興後事紹興八年至二十

五年最為疎畧鶴山謂小人為不善於傳世詒後之書必過絕

困學紀聞五卷集證卷十五上

錢云仁宗英宗兩朝國史修於神宗朝

錢云元祐八年呂大防范純仁在相位其

明年改元
紹聖而章
惇獨相矣
自紹興八
年至二十
五年宰相
秦檜也

之自唐許敬宗李義至近世莫不然

集證 玉海四十八紹興八年六月監修趙鼎等以重修哲宗元豐

三年通前錄為一書成一百五十卷先是宰臣朱勝非言哲宗實

錄經京卡之手議論不公遂詔史館重修後邵博上其父伯溫辨

誣王銍上元祐八年補錄送史館參修通考中興藝文志高宗

日麻初年者多為秦檜收棄專政以後紀錄猶不足信韓侂胄當

國宣宗日麻亦多誣後皆命刊修然

高宗日麻時政記亡失多不復可考

李常宣曰天下至太宗社至垂百年成之而不足一日壞之而有

餘 原注元祐中對策 **劉行簡**曰天下之治眾君子成之而不足一小人敗

之而有餘 原注紹興中奏疏 **皆至論也**

集證 通考選舉考哲宗元祐三年進士五百二十三人制科一人

日給事中吳興 **劉一止**行簡撰 **經籍考**非有齋類藁五十卷陳氏

太祖在位十七年四行郊禮太宗二十有三年三年宜五講郊禮

真宗東封西祀率三年一行仁宗後三歲一郊為定制

集證 按宋史太祖乾德元年開寶元年四年九年凡四行南郊禮

五講南郊禮真宗南郊五咸平二年五年景德二年天禧元年三

年東郊一祥符七年仁宗南郊九英宗一神宗四哲宗二徽宗八

高宗七孝宗六光宗一宣宗三理宗寶慶三年通考按三歲親

郊而所祭者凡三一日祀原廟二日祀太廟三日詣園丘行禮此

禮始於唐而宋因之其禮文繁其儀衛盛其賞賚厚故必三

歲始能行之而郊祀所及者天地百神與所配之祖而已

元城語錄藝祖造熏籠事周益公謂誤以元豐後官制為藝祖時

官制 造熏籠事 詳見卷四

呂正獻公書坐右曰不善加已直為受之本後漢張霸戒子之語

詳後漢張霸傳 **呂居仁**雜錄曰少年毋輕議人毋輕說事本魏李秉家

誠 詳魏志李通傳 注引王隱晉書

呂氏童蒙訓云前輩有編類國朝名臣行狀墓誌取其行事之善

因學紀聞五箋集證 卷十五上 五

者別錄出之以自警戒亦樂取諸人以為善之義何云自警編之各本此朱文公亦云籍溪胡先生全云胡原仲憲文定從子教諸生於功課餘暇以片紙書古人懿行或詩文銘贊之有補於人者粘置壁間俾往來誦之咸令精熟此二事可以為法

集證簡明書且童蒙訓三卷呂本中撰乃其家塾訓課之本多正字原仲少學於從父安國時方禁伊洛之學憲與劉勉之陰調竊講朱子奉父命稟學於三君子獨從憲最久而呂祖謙林之奇魏

也世稱籍溪先生周元公生於道州二程子生於明道元二間天所以續斯道之緒也何云若是則孔子不當生於闕里

元祐之黨劉元城謂止七十八人後來附益者非也詳費衮梁裕漫志慶

元間云宣宗初即位乙卯改元之黨黃勉齋謂本非黨者甚多羣小欲擠之借

此以為名耳

集證續通鑑綱目崇寧元年九月蔡京籍司馬光等凡百二十人

呂希純豐稷張舜民張問楊畏那浩陳次昇謝文瓘岑象求周鼎徐勣路昌衡董執逸上官均葉濤龔原郭知章張康國葉祖洽朱絅求服以上曾任待制官四十九人又有秦觀黃庭堅晁補之張耒等一百七十七人王珪章惇為臣不忠曾任宰臣二人續通鑑綱目慶元三年知綿州王沈上疏乞置偽學之籍於是偽學逆黨得罪著籍者趙汝愚雷正周必大王藺四人為之首朱熹徐誼彭龜年陳傅良薛叔似章穎鄭湜樓鑰林大中黃由黃黼何異孫逢吉劉光祖呂祖儉葉適楊芳項安世沈有開曾三聘游仲鴻吳獵李祥楊簡趙汝謙趙汝談陳峴范仲輔汪逵孫元卿袁燾陳武田澹黃度詹體仁蔡幼學黃顥周南吳彙勝李厚之孟浩趙鞏白炎震皇甫斌危仲任張致遠楊宏中周端朝張衍林仲麟蔣傳徐範蔡元定呂祖泰凡五十九人
王阮亭蠶尾集跋晁氏客

語曰紹聖初籍定元祐黨止數十人世以為精選後乃汎濫人以
得與為榮而議者不以為當也張文綱華陽集有紹興間進劄子
云臣等看詳黨籍人姓名見於碑刻者有二本一本計九十八人
一本三百九人丙九十八人係崇寧初所定多得其真其後蔡京
再將上書人及已所不喜者附麗添入黨籍汎濫雜冗遂至三百
九人看詳得九十八人丙除王珪不合在籍自餘九十七人多是
名德之臣所有三百九人除九十七人係前刻所載其餘更有
侍從上官均空象求餘官江公望范柔中孫諤鄧耆甫等六人名
德亦顯然可見共計一百三人依得累降推恩指揮許子孫陳乞
恩例云云宰臣文彥博等七人執政梁燾等十六人待制以上蘇
軾等三十五人餘官秦觀等三十九人以此考之蔡京手定黨籍
原有二本南渡合二本詳定為三本王伯厚小學紺珠載三百九
人乃京第二本真頤正列傳譜述一百卷凡三百五五人不可詳者
四人亦據第二本也今此碑刻章惇李清臣張商英賈易楊畏叟
蓋亦第二本未經南渡詳定者慮為諸賢之玷故詳著之云按
簡明書目載滄洲樵叟慶元黨禁一卷今存所載偽學之黨凡五
十九人

歐陽公為周君墓表云篤行君子孝于其親友于其兄弟而集缺
其名與字周益公攷之春陵志乃周堯卿字子俞東都事略有

傳其行事與墓表合而字子餘未知事略據何書而立傳也荆

公為征君墓表云淮之南有善士三人杜嬰字太和徐仲堅字而

征君之名字集亦缺焉三人皆居真之揚子當求郡志而補之

原注二表皆載於文鑑

集證隆平集周堯卿字子俞初名頤今名及字夢人授之也天聖

二年登進士第積官至太常博士通判饒州有詩春秋說各

宗廟樂有舞建隆初竇儼定太廟四舞僖祖曰大善順祖曰大宣

翼祖曰大順宣祖曰大慶列聖皆以大為名中興後自僖祖基

命至欽宗端慶以原廟殿名為舞名禮官之失也

集證玉海一百七建隆九年五月判大常竇儼上新定太廟室舞

翼曰大順宣曰大慶列聖皆以大為名太祖大定太宗大盛真宗

祖酌獻皇武太宗大定真宗熙文仁宗美成英宗治隆神宗大明
哲宗重光徽宗承元欽宗端慶自皇武至端慶皆原廟殿名以為
舞名
非也

長編宣和五年求石晉故疆不思營平灤三州乃劉仁恭遺虜

不肯割按五代史劉仁恭無割地遺虜之事四夷附錄云契丹

當莊宗明宗時攻陷營平二州

原注唐無灤州武經總要石晉割略燕薊
為名以居之案賈耽說西北渡灤河至盧龍鎮唐賈循傳張守珪北伐次灤河薛訥
傳師至灤河全云胡身之通鑑註中較此為詳近時顧氏日知錄本之武經總要最
謬石晉時安
得尚有王都

集證丹自以兵力取之非劉仁恭遺之也若灤木平州之地遼太

祖以俘戶置灤州當劉仁恭時尚未有此州尤為無
據遼史於灤州下云石晉割地在平州之境亦誤也

仁宗時制科十五人天聖七年何泳富弼景祐元年蘇紳吳育張方

平田況慶曆六年錢明逸彥遠皇祐五年吳奎嘉祐六年夏噩陳舜俞

方正能直

言極諫太

常博士何

詠茂才異

等富弼詠

淵所對策

並入第四

等

錢云景祐

元年六月

策試賢良

方正能直

言極諫太

常博士蘇

紳才識兼

發明於體

錢藻蘇軾轍王介東坡詩先帝親收十五人東坡王中甫挽詞注者多

誤閻云按仁宗本紀書策制舉人見天聖八年景祐元年寶元元年慶曆二年六
年皇祐元年五年嘉祐二年四年六年與此亦不甚合惟玉海科舉所載合
又云父子則錢易明逸彥遠兄弟則二蘇二錢再舉
制科則張方平仁皇親擢十五人蓋錢易在前故

集證玉海一百十六科舉類天聖則何泳富弼景祐則蘇紳吳育
張方平方平再中茂才異等賢良方正田況中其選慶曆則
錢明逸彥遠皇祐則吳奎中其目嘉祐則夏噩陳舜俞錢藻蘇軾
轍王介父子則錢易明逸彥遠兄弟則二蘇二錢再舉制科則張
方平仁皇親擢十五人東坡王中甫挽詞先帝親收十五人四
方爭看擊鵬鳴自注云仁宗朝賢良十五人今惟富鄭公張宣徽
錢純老及余與舍弟
在耳中甫則王介字

乾道元年郊赦文云前事俱捐弗念乎薄物細故烝

民咸又靡分乎爾界此疆洪文惠景伯所草也宋文公與陳正

獻俊卿字書曰卑辭厚禮乞憐於仇讎之戎狄幸而得之肆然

以令於天下曰凡前日之薄物細故吾既捐之矣孰有大於祖

宗陵廟之儲者而忍以薄物細故捐之哉何云但失辭耳錯引典故不至見絕也

孝皇獨運萬機頗以近習察大臣中庸或問敬大臣之說大事記

大臣從臣之說皆以寓箴諷之意文鑑所取如徐鼎臣君臣論

文潞公鼂錯論蘇明允任相論秦少游石慶論之類皆諫書也

全云文鑑所

以可貴在此

集證書錄解題皇朝文鑑一百五十卷呂祖謙編周益公為序既成封以遺呂一讀命藏之蓋亦未嘗平呂之意也張南軒以為無補治道何益後學而朱晦菴晚年嘗語學者曰此書編次篇篇有意每卷首必取一大文字作壓卷如賦取五鳳樓之類其所載奏議亦係一時政治大節祖宗二百年規模與後來中變之意盡在其間非選粹比也

真文忠公奏疏曰乾道淳熙間有位於朝者以饋遺及門為恥受

任於外者以苞苴入都為羞西山除禮侍上殿奏劄然朱文公封事言浙

中風俗之弊甚者以金珠為脯醢以契券為詩文文公戊申封事則此

習猶未革也

習猶未革也

高宗廟號未定有議為光宗宣宗者見周益公思陵錄其後兩朝

用之高宗陵名嘗擬永阜其後孝宗用之

集證書錄解題周益公集二百卷年譜一卷附錄一卷承相益文忠公陵周必大子充撰其間有奉詔錄親征錄龍飛錄思

陵錄凡十一卷

淳熙皇太子參決庶務手詔洪景盧邁諡文敏所草也禮部太常官堂

白手詔用正觀天禧事皆非所宜

集證孝紀河照十四年十一月己亥詔皇太子惇參決政務

胡文定言崇寧以來奄寺用王承宗故事而建節旄宗字誤當云

承休五代史蜀王衍以宦者王承休為天雄軍節度使原注致堂原亂賊建

承宗之旄壽亦誤

角大理寺

丞吳育茂

才異等張

方平

所案寶元

元年七月

策試賢良

方正能直

言極諫著

作佐郎田

况大理評

事張方平

茂才異等

邵亢况所

對八第四

對方平四

等次九放

罷

所案慶曆

二年八月

策試才識

兼茂明於

體用科殿

中丞錢明

逸明逸所

對入第四

等六年

七月策試

賢良方正

能直言極

諫太常卿

錢彥遠

彥遠策八

第四等

所案皇祐

元年策試

賢良方正

能直言極

諫殿中丞

吳奎奎所

對八第四

等

所案嘉祐

二年八月

策試賢良

方正能直

言極諫祕

書丞王彰

明於體用

夏靈靈八

第四等彰

不八等

四年八月

策試才識

兼茂明於

體用明州

觀察推官

陳頌俞賢

良方正直

言極諫旌

德縣尉錢

藻汪輔之

舜俞藻並

五代史前蜀世家王衍王建第十一

集證子以宦者王承休為天雄軍節度使

李微之問勉齋云南軒賜章服兩為胡忠簡

銓字邦衡官端明殿學士繳還而不

聞引避東萊除職既遭陳叔進

駢字叔進官秘書監

行詞醜詆乃復受之

而不辭皆所未曉勉齋答云先輩非後學所敢輕議然辭受合

尚嚴今當嚴者反寬是以不免為具服者勘破學者所當戒也

何云若皆悻悻而去誰與事君南軒東萊必非苟容者也勉齋亦為後學立此防維耳全云陳叔進名駢○又云南軒受者宗知過最深自不應以人言遠去東萊則

似不

微之又云東萊之學甚正而優柔細密之中似有和光同塵之弊

象山之學雖偏而猛厲粗畧之外却無枉尺直尋之意

何云惟事關君德者

不可不爭至於處眾和而不同可也全云此以二公學術言之謂呂學深穩而稍不同陸學則自成其是也觀鵝湖之會可見何說謬

演蕃露明道二年奉安莊獻神御於慈孝寺彰德殿則莊獻不入

景靈按景靈宮建於祥符五年以奉聖祖其為原廟自元豐五

年始前此帝后館御寓佛老之祠者多矣非止莊獻也

集證

玉海一百始大中祥符建景靈宮以奉祠聖祖道天聖初乃

之殿曰孝嚴熙寧建英宗之殿曰英德而宣祖執祖太宗之殿曰

慶基曰開先曰永隆母后之殿曰隆福重徽章德廣孝皆寓於佛

老之祠布在都邑與夫郊野之外神宗元豐五年乃詔有司度宮

之東而建六殿為原廟奉祖宗像設以昭穆之次列之左右又為

別殿五於其北以奉母后凡十一殿宣祖曰天元執祖曰皇武太

宗曰大定眞宗曰熙文仁宗曰美成英宗曰始隆昭憲后曰太始

孝明后曰儷極懿德明德元德后曰輝德

章穆章獻章懿后曰衍慶慈聖后曰繼仁

攻媿跋曹子方書以為祐陵時上書論時事靖康至樞筦愚謂有

兩曹輔其一字子方與蘇黃游若論事為樞筦者字載德龜山

為銘合為一人非也

全云曹子方海陵人東坡有送之赴

關清詩其為樞筦者則與龜山同里又淮海樓記

考國史傳秦少游調定海主簿而文集無一語及之愚謂少游

困學紀聞五卷集登

卷十五上

其第四等
輔之亦八
等御史言
其無行罷
之六年八
月策試賢
良方正能
直言極諫
著作郎王
介福昌縣
生簿蘇軾
澠池縣主
簿蘇軾賦
八第等介
第四等散
第四等次

為蔡州教授時選人七階未改主簿乃初階非歷此官也

集證東坡詩注曹輔字子方海陵人元豐間為郵延路經略司東坡有送曹輔赴閩漕詩李幼武名臣言行錄二集曹輔字

載德南劍沙縣人元符三年中進士第除僉書密院

律疏與刑統不同疏依律生文刑統參用後敕雖引疏義頗有增

損天聖中孫奭校定律文及疏為音義何云宋初士大夫留意實事

集證通考刑統三十卷晁氏曰皇朝實儀以尚書判大理寺與法條繁廉輕重無據特詔詳定號大周刑統凡二十一卷至是重加詳定建隆四年頒行律文十二卷音義一卷陳氏曰自魏李悝漢蕭何以來更三國六朝隋唐因革損益備矣本朝天

聖中孫奭等撰音義自名例至斷獄歷代異名皆著之

困學紀聞五箋集證卷十五上

校訂困學紀聞五箋集證卷十五下

浚儀 王應麟 伯厚 潛邱閣氏 謝山全氏 易田程氏 義門何氏 樸山方氏 蘇亭萬氏 四明屠繼序校補

攷史

江休復雜志駕頭初即祚所坐王原叔曰此坐傳四世矣按國史

與服志駕頭七寶牀也覆以緋羅繡帕內臣馬上捧之原注嘉祐六年幸睦

親宅內侍墮馬駕頭壞遂以閣門祇候內侍各二員挾駕頭左右次扇篋又以皇城親從兵二十八人從其後○至云江休復名隣幾王原叔名洙

集證通考江鄰幾雜志三卷晁氏曰皇朝江休復撰休復歐陽承叔之執友其所紀精博絕人遠甚鄰幾其字也又名嘉祐雜

志按今存一卷 夢溪筆談正術法座香水為之加金飾四足隋角其前小偃織藤冒之若車駕出幸則使老內臣馬上抱之曰駕頭輦後曲蓋謂之篋兩扇夾心通謂之扇篋皆繡亦有銷金者即古之華蓋也

景祐二年郊赦梁適上疏論朱全忠唐之賊臣今錄其後不可以為勸仁皇是其言記姓名禁中石介亦論赦書不當求朱梁劉

漢後遂罷不召其言一也而黜陟異焉豈遇不遇有命乎

集證東都事略梁適傳南郊赦書錄梁後適論奏云云仁宗是其言召為審刑院詳議官又儒學傳石介舉進士甲科為鄆州觀察推官南京留守推官御史臺

乾道中張說王之奇簽書樞密院事辭免降詔直學士院周必大

奏唐元和間白居易在翰林奉宣草嚴綬江陵節度使孟元陽

右羽林統軍制皆奏請裁量未敢便撰元祐中師臣避免拜之

禮執政辭遷秩之命蘇軾當撰答詔言其不可卒如所請今除

用執政非節度統軍免拜遷秩比二人辭免不允詔書臣未敢

具草詳孝紀及周必大木傳紹熙開云光宗初即中譙熙載自遙郡觀察使

除正任辭免降詔倪思字正甫封還詞頭亦引蘇軾論不當撰

辭免不允詔者凡三嘉定中師舜全云宗室知臨安府辭免蔡幼學

錢云別之

傑參知政

事在淳祐

七年

錢云韋貽

範起復在

昭宗天復

三年

空云名行之止齋弟子以師舜附栢臣故不肯草詔當草詔奏曰不允必有衷語臣無辭以草

淳祐開云理宗在位七年辛丑改元中別之傑參知政事尤煇至云號木石先生論莊定端明殿大學士

不草答詔此禁林繳奏故事也唐末韋貽範起復昭宗天復二年命韓

偓草制偓曰腕可斷麻不可草上疏論之明日百官至而麻不

出此非盛世事故前輩不以為故實

蔣希魯名堂自號遂翁官樞密直學士居姑蘇延盧仲甫盧革之子官龍圖閣直學士後圃希

魯曰亭沼粗適恨林木未就仲甫曰亭沼譬爵位時來則有之

林木譬名節非素修弗成附見宋史盧革傳何云東坡先生嘗云臺榭如富貴時至即有草木如名節及而後成

歐陽公辨尹師魯誌曰若作古文自師魯始尹洙則前有穆脩鄭條輩

及有宋先達甚多何云如王元之文亦自有古意所謂先達甚多也不敢斷自師魯始也條

之名不著館閣書目有鄭條集一卷條蜀人自號金斗先生名

其文金斗集

集證按宋志有鄭脩集一卷疑是鄭條之譌

祁寬字居之問和靜尹先生焯曰伊川謂歐陽永叔如何先生曰前

輩不言人短每見人論前輩則曰汝輩且取他長處呂成公與

朱文公書曰孟子論孟施舍北宮黝曰二子之勇未知其孰賢

然而孟施舍守約也所以委曲如此者以其似曾子子夏而已

若使正言聖門先達其敢輕剖判乎文公答曰和靜之言當表

而出之

集證書錄解題尹和靖語錄四卷馮忠恕祁寬居之呂聖中崇實所錄尹焯彥明語

劉應起時可淳祐初為太學博士言是大計曰謀之而臧則文子

文孫宜君宜王謀之不臧則生天王家以為大感此人所難言

也

建炎間云高宗初即位丁未改元李綱去而潛善伯彥相紹興趙鼎張浚去而檜

相檜死其黨迭為相隆興間云孝宗初即位癸未改元至淳熙萬幾獨運而大

臣充位慶元後政在侂冑嘉定後政在彌遠端平間云理宗在位十年甲午改元

訖景定更一相則曰更化然姦臣弄權之日常多陽淑消而陰

慝長危亡之證所由來漸矣陰凝冰堅極於似道邵子謂禍在

夕陽亭一語何云見第十二卷遂與西晉同轍哀哉至云東發兩朝政要言之最悉

蘇紳梁適謂之草頭木脚其害在士大夫薛極胡渠謂之草頭古

天下苦其害在民

集證宋史蘇紳傳紳與梁適同在兩禁人以為險詖故語曰草頭木脚陷人倒卓

皆史彌遠所任也太學諸生伏闕言事以民謠謂胡薛為草頭古天下苦象其姓也虐我生民莫匪爾極象其名也 王宗沐續資

治通鑑薛極與胡桀聶子述趙汝述
附史彌遠最親用事時人謂之四木

朝野雜記載開禧開禧在位十一年乙丑改元貪濁之事詳矣繼其後者又甚焉

當時謂侍從之臣無論思有獻納他可知矣以陰召陰極於天

下無邦全云此魏公鶴山語以譏史相之苞苴也見天台吳子良水筆雜錄
魏按無論思有獻納借兩都賦序語以刺時事惡絕妙絕

仁宗閱審刑奏案有次公而梁適對以黃霸蓋寬饒字高宗閱刑

部奏案有生人婦而湯思退對以見魏志杜畿傳杜畿傳注引魏略皆

簡上知至輔相然以記問取人則許敬宗賢於竇德立矣

集證漢書循吏傳黃霸字次公蓋寬饒傳寬饒字次公按桓寬亦字次公附見漢書公孫賀等傳贊魏志杜畿傳注魏略

四瀆濟水獨絕宋全忠篡唐降昭宣帝為濟陰王嘉定末濟王之

封嘉定十七年豈權臣亦取濟水之絕乎又蕭衍篡齊降和帝為巴

陵王而濟王亦降封巴陵公寶應元年非令典也為大臣者不知則

不學知之則何以示後開云宗室鎮王竑傳德祐元年試禮部侍郎兼中書舍人王應麟請更封大國表墓錫諡議者謂迎

善氣銷惡運莫先於此陞封鎮王諡昭肅以田萬畝賜其家遣應麟致祭

集證續通鑑綱目嘉定十七年憲宗疾篤史彌遠稱詔以貴誠為皇子改賜名昀帝崩昀即位遂稱遺詔以皇子竑為開府儀

同三司封濟陽郡王理宗寶慶元年湖州潘王起兵謀立濟王竑竑討平之史彌遠矯詔殺竑迫貶為巴陵郡公

紹興建儲欲更名燁周益公謂與唐昭宗同開云按孝宗本紀漏音字蓋唐昭宗名曄而亟

改之景定建儲更名乃與蜀漢後主太子同蜀漢後主太子名璿咸淳末

命嗣君之名又與唐中宗同唐中宗名顯而當時無言者

范正獻公祖禹字淳父曰後世人君觀史而宰相監脩欲其直筆不亦

難乎所撰唐鑑中語其論正矣然自唐姦臣為特政記而史益誣近世

尤甚余嘗觀寶慶日曆欺誣之言所謂以一手掩天下之目所

恃人心公議不泯爾

集證唐志姚瑋修時政記四十卷。玉海四十八百官志永徽後左右史惟對仗承旨仗下謀議不得聞長壽二年文昌左丞相姚瑋以為帝王募訓不可缺紀建議仗下後宰相一人錄軍國政要為時政記月送史館然推美讓善之道行信史直書之義缺又云時政有記自瑋始。

葛文康勝仲字魯卿丹陽人與王黼書曰天下無事則宰相安宰相生事則

天下危

胡文定公自登第遠休致凡四十年實歷不登六載朱文公五十年閒歷事四朝仕於外者僅九考立於朝者四十日道義重而爵位輕所以立言不朽

集證通考纂略文公登第五十年仕於外僅九考立朝才四十六日。

邵公濟博築室犍為之西山告家廟文曰少時得大父平生之

言于汝穎大夫士曰世行亂蜀安可避居焉大父學通天人足以前知矣宣和國亂先人載家使蜀免焉原注大父康節先人伯溫也。

集證魏了翁題跋先子入蜀時與邵子文遇於長安同遊興慶池有詩唱酬相得歡甚夜讀邵公濟詩超然高逸恨未嘗得講世舊自與文明也。

梁世榮錄南軒語云溫公作相夫人聞其終夜長吁問之曰某所奏盜賊某所又奏某事吾為宰相使天下如此所以長吁也按溫公集張夫人終於元豐五年此記錄之誤也

集證按續通鑑元豐七年溫公上資治通鑑詔以光為資政殿學士八年為門下侍郎元祐元年為尚書左僕射兼門下侍郎是年九月卒入相凡八閱月。

乾道壬辰八年黃定字泰對策謂以大有為之時為改過之日月又云雖有無我之量而累於自喜雖有知人之明而累於自恃又

云欲比迹太宗而操其所不用之術顧眇周行類不適用則曰腐儒曰好名曰是黨耳於是始有棄文尚武親內疎外之心何不因羣情之所共違而察一己之獨嚮其言皆剴切孝皇擢之第一有以見容直之盛德而秉史筆者未之紀焉

集證通考陳氏曰三山黃定泰之乾道壬辰榜首撰有鳳城詞一卷按乾道八年進士三百八十九人省元蔡幼學狀元黃定

徐景說霖以書義冠南宮上書言時宰姦深之狀曰不與天下之公議爭而與陛下之明德為仇每潛沮其發見之端周防其增益之漸使陛下之明德不得滋長廣充以窺見其姦而或覺之也其先也奪陛下之心其次奪士大夫之心而其甚也奪豪傑之心景說出是著直聲何云真腐儒

集證宋史徐霖傳霖字景說衢州西安人研精六經之奧探蹟先儒心傳之要淳祐四年試禮部第一知貢舉官入見理宗曰

第一名得人嘉賞再三

唐及國初策題甚簡蓋舉子寫題於試卷故也慶厯後不復寫題

寢失之繁今有數千言者問乎其不足疑問云案蔣之奇傳英宗時舉賢良方正及對策失書問目報罷則謂慶厯後即不復寫題者恐誤

集證玉海百十六宋制三場先策次論次詩賦 援慶厯後不復寫題為全題疑仍書策問其事若今第幾問然蔣之奇傳云失書問目謂此

嘉祐制策曰嘉祐六年制策胡宿武平撰治當先內或曰何以為京師此晉謝安

之言也命秩之差虛實之相養此唐陸贄之言也二蘇公之對不能無所遺關云二當作大按東坡止對不可撓獄市為曹參不及謝安止對錢貨輕重之相權為召穆公不及陸贄故曰有遺且此乃景王時單穆

公非厲王時召穆公虎尤誤

龜山誌游執中曰嘗以書驗之妻子以觀其行之篤與否也夜考

之夢寐以下其志之定與未也

全云沈端憲晦自勵之言本此

紹興隆興主和者皆小人

開云時辛棄疾亦主戰余謂此即西涯樂府云議和生議戰死生國難死國恥而太師竟誰是潘辰

評都無一是者也○全云趙忠簡是且戰且和未肯降心者也與史文惠不同文惠以力不足為言是其番量而行又與湯思退不同又云世多咎稼軒和開禧之議然開禧未嘗能用稼軒也水心則辭詔矣○繼序按史文惠換尚書講義解文侯之命一篇亦極美宜王之勤政復讎而傷平王之無志恢復則其意原不以用兵為非殆以張德遠未能度力量時故不欲僥倖嘗試耳

開禧主戰者皆小人

何云趙忠簡亦主和議史真勇持議老成不容以小人樂之

呂文靖

夷簡字坦夫

為相非無一疵可議子

公著字晦叔諡正獻

之美史直翁

史浩字直翁

為相非無一善可稱

何云直翁固是良相其薦未陸陳楊葉諸子為權臣而掩其

父之美易曰有子考无咎

全云直翁固是良相其薦未陸陳楊葉諸公乾淳大儒一舉盡之矣呂申公所不及

嘉定癸未

十六年禮閣策士云發德音下明制宣皇遺詔下謂之遺詔蓋避時宰

水災後脩城郡守趙希觀屬良貴作記用浩浩字希觀欲改良

貴不可曰以宗室而避宰相父名

彌遠之父此非藝祖皇帝所望於

金枝玉葉也聞者壯之

胡文定父子奏疏以春秋之義扶世道正人心可以立懦夫之志

此義不明人欲橫流始也不知邪正

全云陳賈傅伯壽胡絃之徒也終也不知道

順

全云留黃之徒也

唐內殿無逸圖代以山水

詳唐書崔植傳

開元天寶治亂所以分也仁宗

寶元初圖農家耕織於延春閣

詳玉海何云虞伯生題樓攻媿織圖詩序云前代郡縣所治大門東西壁皆畫耕織圖使民得而觀之蓋兼以勸牧民者不獨延春也全云南

更以山水勤怠判焉徽宗宣取祕書省圖書進覽陳師錫

字伯錫建

人奏曰六經載道諸子談理歷代史籍祖宗圖書天人之蘊性

命之妙治亂安危之機善惡邪正之迹在焉以此為圖天地在

困學紀聞五卷集評卷十五下

錢云曰事簡子公若元祐名相史浩子彌遠嘉定權臣

心流出萬物以此為畫日月在目光宅四海觀心於此則天地
沖氣生焉注目於此則日月祥光麗焉心以道觀則正目以德
視則明師錫時為殿中侍御史奏噫使徽宗能冥其言於坐右則必能監成敗
別淑慝矣以規為瑱聽之藐藐而畫學設焉黍離麥秀之風景
其可畫乎

集證唐書崔植傳長慶初穆宗問正觀開元治道植曰元宗即位
以自戒其後柯暗乃易以山水圖稍怠於勤今願陛下以無逸為
元龜玉海百六十三寶元元年十月改萬春閣為延春閣兩壁
畫農家蠶織見於紹興五年三月甲午之聖訓樓鑰耕織圖後
唐高宗皇帝紹興中興備知民瘼伯父靖時為於潛令念農夫蠶
婦之作苦先訪始末為耕織二圖耕自浸種以至入倉凡二十一
事織自浴蠶以至剪帛凡二十四事事為之圖係以五言詩賜對
之日遂以進呈玉音嘉獎宣示後宮趙
孟頫有題耕織圖二十四首奉懿旨撰

紹興開李誼言漢循吏傳六人而九人出於宣帝酷吏傳十二人

而八人出於武帝唐循吏傳十五人而出於武德正觀之時者
半酷吏傳十二人而出於武后之時者亦半吏治視上之趨嚮

閻三按舊唐書長吏上下四十一人酷吏上下十八人

集證漢書循吏傳六人文翁在景武時王成黃霸朱邑龔遂召信
臣皆出於宣帝酷吏傳十二人到都在文景時竇成趙禹
義縱王溫舒尹齊楊僕咸宣田廣明皆出於武帝田延年嚴延年
在昭宣時尹賞在成帝時唐書循吏傳十五人韋仁壽陳君實
張允濟李素立薛太鼎賈敦頤田仁會在武德正觀之時裴懷古
韋景駿李惠登羅珣韋丹盧弼宣薛元賞何易子在神龍以後
酷吏傳十二人索元禮來俊臣侯思止王弘義郭弘霸姚紹之周
利貞皆出武后時王旭吉溫崔器毛若虛郭羽在天寶以後舊
唐書賈敦頤李君球崔知溫高智周田仁會韋機權懷恩馮元常
蔣巖王方翼薛季昶裴懷古張知謩楊元政倪若水李潛楊嶠宋
慶禮姜師度強循潘好禮楊茂謙楊瑒崔隱甫李尚隱呂誣蕭定
蔣允薛珏李惠登任迪簡范傳正袁滋薛莘閻濟美酷吏傳十
八人求俊周興傳甄丘神勣索元禮侯思止萬國俊來子珣
王如義郭霸吉頊姚紹之周利貞
王旭吉溫羅希奭毛若虛敬羽

富文忠公使虜還遷翰林學士樞密副使皆力辭願思夷狄輕侮之恥坐薪嘗膽不忘修政嘉定初講解使還中書議表賀又有以和戎為二府功欲差次遷秩倪文節公思曰澶淵之役捷而班師天子下詔罪已中書樞密待罪今屈已盟戎奈何君相反以為慶乃止何五寇公真大臣

延平全云名何先生論治道必以明天理正人心崇節義厲廉恥為先

四語見宋名臣言行錄外集

王時雍徐秉哲等為賣國牙郎而不忍以宋宗族交與虜人者開封捉事使臣竇鑿也李鄴以越守降虜而袖石擊虜偽守者親事官唐琦也

集證宋史王時雍蜀人為開封尹徐秉哲潘人為少尹一切搜括逼遷等事皆吳升莫儔將命而時雍秉哲行之人稱時雍為

賣國牙郎因目開儔為販國吳牙開封府捉事使竇鑿不忍奉行嘆息自縊死唐琦傳琦本衛士建交間高宗航海琦病雷越州李鄴以城降金人珉八守之琦袖石伏道旁伺其出擊之不中破執乃顧鄴曰我月給才石五斗米不肯背其主爾享國厚恩乃若此豈復齒人類哉詬罵不少屈珉八趣殺之

朱文公謂蔡季通曰身勞而心安者為之利少而義多者為之原注李誠之子脩名師之東嘗語真希元曰篤信好學守死善道此吾輩人字箴

錢云景定三年狀元方山景

元祐中李常宣對策曰天下至太宗社至重百年成之不足一日壞之有餘擢為第一景定中有擢倫魁者其被題云運一心之乾開三才之泰可以觀世道之消長矣

先儒論本朝治體云文治可觀而武績未振名勝相望而幹畧未優簡云出呂祖謙傳所謂觀前代有未備者方橫也確論然放之史策宋與契丹八十一戰其二

勝者張齊賢太原之役也何云張方平所言於仁宗者見東坡所作墓誌非儒乎一韓一范

使西賊骨寒膽破者儒也宗汝霖澤李伯紀綱不見沮於耿汪

黃三姦則中原可復讎恥可雪采石卻敵乃眇然幅巾緩帶一

參贊之功何云虞允文儒豈無益於國哉搢紳不知兵介冑不知義而

天下之禍變極矣全云橫渠弟子有趙方

集證宋子名臣言行錄後集張方平傳計談叢云神宗以問公公

宋史虞允文傳字彬甫仁壽人紹興二十三年進士第金主率大

軍臨采石允文力却之又劉琦傳紹興三十一年允文謁劉錡問

疾錡執允文手曰疾何必問朝廷養兵三十年

一技不施而大功乃出一儒生我輩愧死矣

元祐諸賢司馬光不和是以爲紹聖小人蔡京所乘元符建中韓

忠彦曾布不和是以爲崇寧小人吳材王所陷紹興趙鼎張浚不

和是以爲秦氏檜所擠古之建官曰三公公則無私矣曰三孤

孤則無朋矣無私無朋所以和也

蔡京之惡極矣曾布張商英是以竊君子之名全云二人終不得爲君子

止齋曰國初以科舉誘致偏方之士而聚之中都由是家不尚譜

牒身不重鄉貫全云宋人多輕去其鄉賢者不免諸牒之學亦至宋而衰

夫揚于王庭以正小人之罪孚號有厲以危小人之復元祐諸賢

似未知其危乃光之義

胡文定公曰宰相時來則爲不可擅爲已有余謂宰相非久居之

地也仁以爲己任死而後已元祐司馬公是也何云司馬公非久位夸者死

權紹興之秦紹定間云理宗在位四年戊子改元之吏是也

陳恕定茶法以中等爲可行張方平論鹽法以再權爲不可何云案

將立茶法召茶商數十人俾各條利害恕聞之第爲三等曰吾觀下等固滅裂無取

上等取利太深此可行於商費不可行於朝廷惟中等公私皆濟吾裁損之可以經

困學紀聞五卷集證卷五下

錢云據此條曾布與韓忠彥並

固不以曾爲小人矣宋史以布八姦臣傳未免過當錢云曾布與蔡京立異故當時有君子之名且其柄國不久宋史列諸姦臣似過當矣史彌遠之姦甚於

促胃而反
不在姦臣
之列何以
為信史乎

錢云其崇
禮字叔厚

外於是始為三法行之貨財流通張方平傳初王拱辰議權河北鹽方平見曰河北
再權鹽何也帝曰始立法耳方平曰昔周世宗以鹽課均之稅中今兩稅鹽錢是也
豈非再權乎帝驚悟方
平請直降手詔罷之

集證宋史張方平傳方平字安道王拱辰請權河北鹽既立法矣
非再也方平曰周世宗權河北鹽犯輒處死太祖征河東還父老
泣訴願以鹽稅均之兩稅而弛其禁今兩稅鹽錢是也豈非再權
乎仁宗曰卿語
宰相力罷之

王仲山以撫州降仲蕤以袁州降禹玉全云元豐故之子也其叔厚

全云其北行責詞云昔唐天寶之亂河北列郡並陷獨常山平原能

為國守者其葉卿真卿二顏在焉爾等頃以家聲屢塵仕版未
聞虧失浸預使令為郡江西惟兄及弟力誠不支死猶有說臨
川先降宜春繼屈魯衛之政若循一途雖爾無恥不媿當時之
公議顧亦何施面目見爾先人於地下哉原注秦檜仲山之墳 宋

成仲山仲蕤復來歸
以檜故復仕列郡

集證通考其北海集六十卷陳氏曰翰林學士北海其崇禮叔厚
再相下台州追索時崇禮已死幸不及禍樓鑰序其文集曰南渡
之行公在帝側詔旨所至讀者感動如陸宣公之在奉天楊萬里
序之曰鴻筆麗藻冠於
時有功中興獨當上意

虞公以玉失國楚子常以佩喪邦近歲關云校為理宗襄陽之事亦

起於權場之玉帶關云唐書王必為武靈節度使吐蕃欲成烏蘭橋以過師
知必貪先厚遺之然後并役成橋仍築月城以守之與襄

陽事
絕類

集證宋史賈似道傳時襄陽圍已急似道日坐葛嶺起樓閣亭榭
矣發其塚取之自
是或累月不朝

淳祐辰四年宰相起復太學諸生黃愷伯等上書曰彌遠奔喪而後
起復蒿之起復而後奔喪徐仁伯元杰兼說書對經幄其言當

困於已聞五卷集證

卷十五下

帝心臺諫劉晉之王瓚胡清獻翼基先聯章論仁伯上震怒夜

出御筆逐四人遂寢起復之命而相范鍾杜範明年仁伯卒人

以為毒也然其事竟不明白庸齋趙茂實汝騰誌之徐景說景銘

之至至高高之從子環卿上書諫其不宜戀位亦暴卒奉化應文煒者其人煒

而止見袁清容集則置置毒事無可疑者

集證續通鑑綱目淳祐五年六月徐元杰暴卒三學諸生相繼伏

獄迄無成按徐元杰以論劾史嵩之為所配殺可謂不畏強禦

矣所所撰謀策策集集十二卷其中奏議皆正氣凜然簡明書目謂元杰

自荆舒之學行為之徒者請禁讀史書其後經筵不讀國風而湯

誓泰誓亦不進講人君不知危亡之事其效可觀矣

小人之毀君子亦多術矣唐左拾遺侯昌業上疏極言時病而田

令孜之黨偽作諫疏有明祈五道暗祝冥官於殿內立揭諦道

場唐書田本朝鄒浩諫立劉后而章厚之黨偽作諫疏有取他

人之子之語宋史鄒其誣善醜正不謀而同然不可泯者千萬

世之清議也

集證唐書田令孜傳左拾遺侯昌業不勝憤指言豎尹用權亂天

下疏入賜死東東都事略鄒浩傳時章惇用事既已廢孟后

鄧志宏肅謂崇宣以來蔡京羣天下學者納之黷舍校其文藝等

為三品飲食之給因而有差旌別人才止付於魚肉銖兩間學

者不以為羞且逐逐然貪之部使者以學宮成壞為州縣殿最

學校之興雖自崇宣而學校之廢政由崇宣蓋設教之意專以

祿養為輕重則率教之士豈復顧義哉原原注崇宣學校之事概見於此

徐霖字景

說

所謂率教者又可見矣○荷云此歎似道之以利啗三學也閻云按肅沙縣人欽宗時官左正言

集證 玉海百十六 崇寧四年十二月倣周官大比為歲貢之制宜和三年二月詔太學以三舍考選開封府及諸路以科舉取

士並依元豐法 宋史賈似道傳似道既專恣日甚畏人議已不愛官爵半籠一時名士又加大學餐錢寬科場恩例以小利啗之由是言

路斷絕

大觀八行因周禮之六行附以六德之忠和姦臣不學如此

集證 玉海百十六 大觀元年三月十八日甲辰詔士有孝悌睦姻任恤忠和八行貢入太學大司成考驗取旨釋褐 又云書

目有御製八行八刑條一卷刊石立之學官士以其行之多寡視三舍選而犯八刑者不齒能改過又有二行乃聽入學

真文忠公自箴曰學未若臨邛之遠量未若南海之寬制行劣於

莆田之懿居貧媿於義烏之安 原注臨邛魏鶴山了翁南海崔菊坡與之莆田陳憲義烏徐僑

集證 宋史魏了翁字華父年數歲日誦千餘言過目不再覽鄉里稱為神童年十五著韓愈論有作者風史彌遠專國策室白鶴山下以所聞於輔廣李燭者開門授徒士爭負笈從之嘉定十七年遷秘書監直學士院卒諡文靖 崔與之字正字廣州人紹

熙四年舉進士開禧中授廣西提刑俄授廣西經略安撫使拜右丞相方辭乃得致仕自領鄉郡不受廩祿之入凡奉餘皆以均親黨遺戒不得作佛事卒諡清獻 陳宓字師復興化人丞相俊卿之子官至直秘閣必天性剛毅信道尤篤常為朱墨銘謂朱屬陽墨屬陰以驗理欲分寸之多寡自言居官必如顏真卿居家必如陶潛而深愛諸葛亮身死家無財庫無餘帛庶乎能蹈其語者徐僑字榮甫義烏人淳熙進士入為秘書正字端平初與諸賢俱被召帝見衣履垢敝慨然曰卿可謂清貧僑曰臣不貧陛下乃貧耳陛下國木未建疆宇日蹙權幸月異非材無能竊竊藏空虛民困於橫斂軍怨於括克羣臣養交而天子孤立陛下乃貧耳

上蔡先生初造程子程子以客肅之辭曰為求師而來願執弟子禮程子受之館於門側上漏旁穿天大風雪宵無燭晝無炭市飯不得溫程子弗問謝處安焉如是踰月豁然有省然後程子與之語

集證 宋子名臣言行錄謝顯道事伊川嘗別一年復至伊川問所進曰但去得一矜字爾伊川指謂朱光庭曰此人為切問近

思之

呂子約至云大愚先生呂祖儉東萊之弟曰讀明道行狀可以觀聖賢氣象

譙天授定之學得於蜀襄氏夷族表道潔澗之學得於富順監賈

香薛翁故曰學無常師圖云按宋史襄氏上有郭字世家南平非夷族澗作

篋箱桶叟郭襄氏及篋叟醬翁皆蜀之隱君子也故伊川曰易學在蜀

集證丹鉛總錄譙定字天授其學得於蜀襄氏夷族表澗字道潔其學得於富順監賈香薛翁程子遇青城種桶翁乃知未濟

三陽失位為男窮之義又渡涪江舟將危正襟端坐人問之曰心存誠敬爾有一人樵夫同舟登岸乃問伊川曰公是達後如此舍後如此伊川欲與之言已去不可追矣此皆宋世蜀之隱逸失名者

校訂困學紀聞五箋集證卷之十五下

校訂困學紀聞五箋集證卷之十六上

浚儀 王應麟 伯厚

潛邱閣氏 謝山全氏 易田程氏 義門何氏 樸山方氏 蔚亭萬氏

四明屠繼序校補

攷史

漢河渠攷

美哉禹功萬世永賴云何漢世河決為害蓋自戰國壅川壑鄰決

通隄防重以暴秦水失其行故瀆遂改碣石九河皆淪於海微禹

其魚遺黎之思披圖案謀用綴軼遺圖云案齊桓公時九河既同為一桓卒

十二年而周譜云定王五年河徙水經注周定王五年河徙故瀆蓋下流既壅水行不快上流乃决理所當然河之患始此恐不待戰國也○何云此攷全以賈讓主橫之語為據齊桓塞河之說出自緯書在班固後不足徵信閻子引之以為定王河徙之由未必然也全云緯書固不足信然謂其出班氏後何氏之謬也○繼序按周譜所云定王五年乃周之後定王一作貞王而合稱貞定王者也使是前之定王則五年當魯宣公之七年春秋書大旱而不書河徙有是理哉

孝文十二年河決酸棗東潰金隄漢書溝

陳畱郡酸棗縣原注今屬開封府今屬河南衛輝府延津縣秦拔魏置縣原注地多酸棗因以為名金

隄河隄在東郡白馬全云隄縣字界括地志一名千里隄在滑州白馬

縣東五里郡縣志在酸棗縣南二十三里原注與地廣記酸棗縣有金隄漢文時河決金隄即此

王尊為東郡太守請以身填金隄漢書王尊傳程子曰漢火德多水

災唐土德少河患開元宋敏求曰唐河則地天寶後久屬藩臣縱有河事不子一事耳余謂仍有一事蕭德甫為義成軍節度使滑州瀕河崇歲水壞西北防倂徙其流遠去樹隄自固人得以安○河三冊府元龜開元十年六月博州黃河隄壞

湍悍洋溢不可禁止令博冀趙三州刺史乘傳旁午分理按察使蕭嵩德其事

集證玉海二十一漢時河決凡七孝文帝時酸棗孝武元光中孤子館陶後二歲平原鴻嘉四年渤海清河信都河水溢按唐書五行志貞觀十一年九月河溢壞陝州之河北縣及太原倉毀河陽中渾永徽六年十月齊州河溢永淳二年七月河溢壞河陽橋如意元年八月河溢壞河陽縣長壽二年五月棣州河溢壞居民二千餘家開元十年六月博州棣州河決十四年秋河及支川皆溢壞衛鄭滑汴濮人或巢或舟以居死者千計大曆十二年秋河溢

貞元二年六月河溢元和七年正月振武河溢毀東受降城大印

四月河比于滑州朱全忠火其隄因為二河散漫千餘里詳有唐一代河患非少特紀傳所載寥寥則如宋敏求之說耳

孝武元光三年河水徙從頓丘東南流入勃海復決濮陽瓠子注

鉅野通淮泗鄒居河北原注鄒音輸後漢注音俞○漢書溝洫志關云文當於東南二字截住作句下流入勃海另讀

東郡頓丘縣原注今澶州開德府濮陽清豐兩縣澶陽洪武初省入開州清豐開州今並屬直隸大名府漢勃海郡

在勃海之濱原注今滄州清豐諸州之地全云原註是正文○關云勃海今天津衛漢地理志所謂章武入海者也水經注

禹貢曰夾右碣石入于河山海經碣石之山繩水出焉東流注於河河之入海舊在碣石今川流所導非禹瀆也周定王五年

河徙故瀆班固曰商竭周移水經瀆瓠子今開德府濮陽縣西有瓠子口瓠子河名也濟州鉅野縣東北有大野

澤即鉅野也禹貢大野既豬鉅野縣今屬山東曹州府縣東北有鉅野澤清河郡鄒縣

因學紀聞五經集證卷十六上

二

通典鄒故城在德州平原縣西南

今山東臨清州夏津縣東北有故鄒縣城原注大名府夏津縣本鄒縣

程氏曰周時河徙於磔至漢又改向順正東南流○簡云案磔入都不曉余以漢書有磔陽漕渠如淳曰今磔溪口是也磔陽在今縣西五十里河何嘗徙此大昌亦本非磔字而蔡傳妄加王氏誤襲用之耳○河云胡渭生曰程大昌禹貢論本是周定王時河徙故磔非磔字面磔磔者蔡氏妄竄

集證

按程泰之禹貢論言本水經注蔡氏書集傳禹貢衡漳下導河下磔磔二字凡兩見明是故磔二字之誤厚齋誤承之

元封二年自泰山還至瓠子自臨塞決河築宣防宮

漢書武紀

水經瓠子河出東郡濮陽縣

今直隸開州

北河原注注縣北十里為瓠河口亦謂瓠子堰宣房宮水經

條注括地志故龍淵宮俗名瓠子宮亦名宣房宮古字通在濮

陽縣北十里決河在鄆城今山東曹州府濮州東二以南濮陽以

北廣百步深五丈

原注通典秦始皇二十一年攻魏決河灌其都決處遂大不可復補漢王橫云九域志濮州雷澤縣有瓠子河滑州濮陽縣

有瓠子曰萬里沙在萊州掖縣濟州東阿縣有魚山一名吾山瓠子歌曰吾山平鉅野溢東阿今屬鄆州

集證

按武紀及溝洫志築宣防宮在元封二年起龍淵宮在元光三年服虔如淳皆謂龍淵宮在長安西孟康曰在西平界其

導河北行二渠復禹舊迹

溝洫志

河渠書禹乃斷二渠以引其河北載之高地過降水至于大陸

播為九河同為逆河入于勃海原注孟康曰二渠其一出員正西南南折者也其一則漯川也臣瓚曰河入海乃在

碣石元光一年更注勃海禹時不注也全云此行原注是正文員正員州清陽縣原注魏書四年省入清河縣今山東東昌府清

平縣地置員正漯水出東郡東武陽原注員正大名府莘縣檀州制城縣今山東東昌府莘縣東有武陽故城曹州

府朝城縣東南有故東武陽城西南有故漯河至千乘原注青州千乘縣今山東

故瀆在冀州南宮縣東南六里直隸冀州南宮縣漳水在西入海降水

烈王十三年晉河岸傾壅龍門至于砥柱春秋後河患見史傳

始於此簡云按春秋成公五年夏梁山崩公羊傳梁山崩壅河三日不流穀梁傳梁山崩壅過河三日不流又先於威烈王十二年

集證

玉海二十一員正屬清河今清河郡西書時北過降水至于大陸是也漯川在汲郡東一里漯水出東郡東武陽東北至

水可用淬刀劍特堅利古龍淵之劍取於此水師古謂孟說是龍淵宣防當在今開州地

千乘八海桑欽言出平原高唐書于澤是也後據此則二渠皆見禹貢晁補之河議謂二渠于禹貢無見何也

自塞宣房後河復北決於館陶分爲屯氏河舊注

地理志魏郡館陶縣河水別出爲屯氏河其北至章武八海原注

館陶今屬大名府今山東東昌府館陶縣西有頓河自北直元城縣流入即漢時屯氏河舊渠也通典魏州貴鄉縣有屯氏河大野澤濱谷曰王莽河東魏貴鄉縣今北直大名府大名縣東南有屯氏故河元城縣北有屯氏故河名王莽河皇武縣清河魯城縣周省入清池縣洪武初以清池縣省入滄州今屬北直云屯氏河今山東臨清州夏津河俗曰毛河九域志大名府館陶縣夏津縣有屯氏河今山東臨清州夏津縣北有屯氏故河南樂縣有大河故濱南樂縣今屬北直大名府

元帝永光五年河決清河靈鳴犢且而屯氏河絕舊注

清河之靈縣鳴犢河口地理志清河郡靈縣河水別出爲鳴犢

河東北至碯入屯氏河原注靈縣今屬河南開封府平縣今山東東昌府博平縣

州後屬冀州晉春秋時晉條邑漢脩縣隋改爲碯縣元屬河開路今北直河開府景州

成帝建始四年河決東郡金隄河隄成以五年爲河平元年三年

河復決平原舊注

平原德棣州今山東濟南府平原縣西南有平原故城大河故濱在西北濟南齊淄州今山東

淄川等縣千乘故城在淄州高苑縣北今山東青州府高苑縣北有故千乘城

鴻嘉四年勃海清河信都河水溢程易田云九河濶濶之次五曰胡蘇

徒駭胡蘇高津蓋取首中尾之三河以冠其六是以下文即著其地曰今見在成平東光高縣界中然則徒駭在成平胡蘇在東光高津在高苑矣九河之次從北而南則太史馬頌覆舖三河在東光之北居成平之南簡津鉤盤三河在東光之南居高縣之北胡蘇爲九河之中出者無疑矣其名曰胡蘇者何也言九河分布派流胡蘇然舉其中者象形名之得包其九也胡蘇爲其象分布派流之形也胡蘇猶扶疏七發曰龍門之樞樞扶疏注引說文扶疏四布也史記上林賦垂條扶於郭璞曰猶扶疎也扶蘇扶於轉之皆得爲胡蘇而胡蘇之命名令居九河之中餘河則四布於其外故其象分布派流之形也孫炎曰胡蘇水流多散胡蘇然說義最精然指一河而言而不謂其爲象九河之形猶皮傳之開嘗博覽而證明之周官司戈眉職云及舍設藩注云眉可爲藩衛者如今之扶蘇真據鄭義扶蘇漢時見有之物也詩山有扶蘇毛傳云扶蘇扶胥小木也曰小木則非木名可知蓋扶蘇蓋韻字蘇胥又雙聲相轉毛傳蓋謂扶蘇猶扶胥乃小木林列扶胥然故爾雅無此木名孫田謂召南林有檇檇亦即扶疎轉聲故毛傳亦曰小木也而釋文因之曰小樹不以爲木名惟孔氏正義引爾雅檇檇心某氏曰檇檇檇檇也有

心耐溼江河間以作柱夫可作柱則非小木矣然則爾雅所謂樛樛心者自為一事實可作柱之大木毛傳不慮之以說詩而與扶蘇同釋為小木其不以為木名審矣且扶胥之為物見於六韜曰有武衛大扶胥三十六乘大扶胥衝車三十六乘有武翼大櫓矛盾扶胥七十二具提翼小櫓扶胥一百四十六具又有木螳螂劍刃扶得廣二丈百二十具一名行馬馬田樓諸所為扶胥曰若于具又有廣二丈者則以乘紀數或疑載之非扶胥即車也疑即司戈盾所謂設藩盾行則斂之者可張可斂豈如今蒙衣包架構之材歟其曰扶胥衝車豈設扶胥於衝車上者與是未可以強說之也襄公二十七年宋之盟左傳曰以藩為軍正義云古人行兵止則築為壘塹以備不虞此藩籬為軍方欲其示不相忌外傳作以藩為軍韋昭注云藩籬落也不設壘籬謂若司戈盾之設藩盾張扶胥以為軍與故六韜謂木螳螂扶胥一名行馬今宮衙外衛皆有行馬天官掌舍設棧樞俗呼樞象即是物與然則扶蘇扶胥紛駁錯出一材之稱故伍子胥名員即紛駁字故字子胥與是故多繫謂之于思多足蟲謂之蚌蚌木擁櫛多疏謂之儲胥亦曰浮思姑蘇臺亦曰姑胥之臺凡此皆扶蘇之轉語而胡之與扶亦聲韻相轉也故胡蘇猶扶蘇故曰九河以胡蘇居十言其分派流胡蘇然也余撰東嬴轉語說胡蘇衍義至數十事頗為詳盡茲不具載但擲如右見非孤證然後知古人命名狀物類用雙聲疊韻形容之義至著矣又云巴菘之語余云堯典中呈蓋南西北總指一方而言故爾雅云北陸虛也西陸昂也大火謂之大辰指謂東陸柳鶉火指謂南陸故曰星鳥星火星虛星昂皆就一方七宿之處其中者名之以一統七非如後代麻家測定一宿專指其度分言也余深然之謂足為吾九河中之胡蘇以一統九之旁證也按何承天云堯冬至日在須女十度則以正仲冬者當在胃五度今日曰短星昂非以昂為西陸七宿之中與此古人屬文之法足

為後人起例者也余嘗有山在南鄉土地名曰二十六畝稅止二畝有奇也按陰之山當一鳴之中環而繞乎其外者十餘山盡陽中山并而算之共得二十六畝然則二十六畝者一鳴衆山之并數用以名其一鳴之山名止矣然衆山自為界限不能不生分別於是二畝有奇者山當一鳴之中遂令專具二十六畝之名以統乎一鳴之衆山而衆山乃別與以主名此即徐釋胡蘇之說也胡蘇者九河之通形今則令專其當中之一河北陸西陸者陸有七宿今則令其當中之一宿曰虛曰昂者專其陸二十六畝者衆山之并數今則令其當中之二畝有奇者以專之此古人命名變動之法亦屬又者筆參造化之微權訟襲相因若有授受久而不變者如此李尋等言議者常欲求索九河故迹而穿之今因其自決可且勿塞以觀水勢清海志

信都冀州信都縣今北直冀州禹導河北過降水即此亦曰枯洛渠

西南自南宮縣界入禹貢九河既道爾雅一曰徒駭二曰太史

三曰馬頰四曰覆鬴五曰胡蘇六曰簡繫方樸山云改爾雅可乎七曰鉤盤

八曰鬲津其一河之經流原注先儒不謂河之經流遂分簡繫為二

徒駭原注鬲字記在滄州清池許商云在成平○河云地理志勃海郡成平下注云虜地河民曰徒駭河

集證

地理今釋今直隸河間府治平縣之東北六十里有徒駭河漢書地理志所謂滹沱河民曰徒駭河是也按漢成即今文滹沱河在焉蔡傳于徒駭引許商云在成平誤漢子成又云班固誤以滹沱為徒駭皆屬臆說

馬頰

原注郡縣志在德州安德今直隸南府安縣袁字記三棧州清河北今直隸武定府清河與地記謂篤馬河也

集證

地理今釋山東濟南府平原縣北有篤馬河東北經陵縣德平商河隋唐為濟河縣界其流或斷或續相傳即馬頰河也

覆補

原注通典在胡蘇原注袁字記在滄州饒安臨津無棣三縣俱屬饒安今滄州德州安德

集證

地理今釋濟南府德州有覆補河東北至海豐縣入海河間安縣在州東南慶雲縣隋唐為無棣縣界至海豐縣入海

簡絜

原注輿地記在臨津

集證

地理今釋河間府南皮縣城外有簡絜河二河相去最近書傳說彙纂按孔穎達九河正義據爾雅鄭注以

簡絜為二河朱子集注因之曰簡曰絜分舉犁然蔡傳則據曾駁之說合簡絜為一河其一則河之經流也林之奇嘗辨之以為九河勢均安得以一為經流入為支派哉當從朱子孟子集注為正

鉤盤

原注通典袁字記在滄州樂陵今山東武定府樂陵縣東南從德州平昌濟南府德平縣北流入饒安通典在饒安許商云在屬縣德平縣東有廢屬縣輿地記在無棣

集證

地理今釋濟南府樂陵縣東南有鉤盤河自平原德平二縣界流入至海豐縣東入海德州西南有鬲津河東經吳橋至海豐縣大沽口入海

太史

原注不知所在

集證

地理今釋其太史河據齊乘在濤滄二州之間明一統志亦云在南皮縣北今其地雖無顯迹然以孔疏參之明一統志無據

漢世近古止得其三唐人遂得其六歐陽忞輿地記又得其二或新河載以舊名或一地互為兩說皆似是而非無所依據鄭

氏以為齊桓塞其八流以自廣說本春秋夫曲防齊之所禁塞

河非桓公所為也程氏以為九河之地已淪於海謂今滄州之

地北與平州接境相去五百餘里禹之九河當在其地酈道元

亦謂九河碣石苞淪於海原注為馬河在平原縣今德州樂史以為馬頰

海乃王莽時王橫一家之言未詳考驗者方棧山云元儒謂徒駭即河之經流

也蔡氏無所因承苟出胸臆何庸述而志之上誣爾雅○然相堂百二云九河以

下全本蔡九峯書傳

平當使領河隄

閻云玉海曰以禹貢行河以春秋西獄以三百五篇當諫書六經

程子曰河北見鯨隄無禹隄鯨堙洪水故無功禹則導之而已

程子

書

買讓言禹鑿龍門辟伊闕析底柱破碣石

水經河水南過河東北屈縣原注唐魏州吉昌今山西平陽府吉州西原注注呂氏春秋今本水經

關呂梁未鑿河出孟門犬滄道流名曰鴻水大禹疏謂之孟今山西平陽府吉州河水又南過皮氏縣

原注河府龍門今山西絳州河津縣西又南出龍門口原注注大禹導河隄石疏梁山即經所謂

萬文選于下口慎子曰下龍門非馴馬之池也慎子謂龍門也河水南出龍門口崩限于尋懸流

北有安國嶺東臨大河有禹廟在山關河出處禹鑿龍門起於青張仁恩所築東受降城

之東自北而南至此山盡兩岸石壁峭立天河雷震於此之吼至此山開岸關豁然奔旋

聲如萬雷○爾云案東受降城在今朔州北三百五十里本漢定襄郡之成樂縣去禹貢

龍門一千五百餘里禹鑿百姓力竟至此乎通典絳州龍門原注注今屬有龍

門山即大禹所鑿三秦記云魚鼈上之即為龍否則點額而還黃

河北去縣二十五里乃龍門口與地記同州韓城縣今陝西同州

有龍門山顏氏曰龍門山其東在今龍門縣今陝西其西在今

韓城縣北陝西韓而河從其中下流水經注砥柱山名禹治洪水

破山以通河河水分流包山而過山見水中若柱然故曰砥柱三穿既決水流疎分亦謂之三門山砥柱開注

集證地理今釋砥柱山在今河南河南陝州東四十里大河中西北去山五十里

伊闕碣石見前開云伊闕未見前宋地理志補注曰伊闕五

集證水經洛水又東北過伊闕注云相璠曰今洛陽西南五十里伊闕外前亭矣服虔曰前嶺為泉湖地也伊闕又北入伊闕

昔大禹疏以通水兩山相對望之若闕伊水暨其湖北流故謂之伊闕矣春秋之闕塞焉昭公二十六年趙致使云闕塞是也

按今本左傳作闕塞杜注云闕塞洛陽西向伊闕口也元和郡縣志伊闕山在河南府伊闕縣北四十五里按今河南府洛陽縣西南有闕塞山亦曰龍門亦曰伊闕山

淇口以東淇水

通典淇水出共山東至衛州衛縣今河南衛州界入河謂之淇水

淇縣西北有淇水下流入衛河

新莽始建國三年河決魏郡泛清河以東數郡

魏郡相州大名府今北直大名府**清河恩州**今山東東昌府恩縣

明帝永平十三年王景脩汴渠成後漢明紀王景傳

詔曰自汴渠決敗六十餘歲原注平帝時**今既築隄理渠絕水立門河**

汴分流復其舊迹明郡縣志汴渠在河南府河陰縣原注漢景陽縣唐屬孟州

今河南開封府開封縣**南二百五十步亦名滎蕩渠禹塞滎澤開渠以通淮**

泗水命王景脩渠元和郡縣志原注漢書有滎陽漕渠如淳曰今磔磔

水經濟水注漢後漢今河南開封府祥符縣○前云胡渭注曰案如淳曰今磔磔口歷來漢注本皆然不知蔡氏當日何緣讀今作磔磔撰出磔磔地名謂河

徙此兩見其書傳也○全云胡東雒水經注濟水篇欲攻蔡九峯磔磔之失而自造為北磔磔南磔磔分一水為二小六

集證水經濟水與河合流又東過成皋縣北又東過穀陽縣北又東至北磔磔南東出過滎陽北注云漢明帝之世樂浪人王

景能治水顯宗詔與謁者王吳始作滎儀渠具用景法水乃不害此即景所脩故蹟也渠流東注後儀故復謂之滎儀渠

章帝建初三年罷虜沱石曰河

章帝紀 鄧訓傳

虜沱出代州繁峙縣

今山西代州繁峙縣

東南流經五臺山北東南流過

定州入海

繁峙縣東北有秦戲山滹沱河所出也迴環千三百七十里至北直靜海縣入海

鄧訓治虜沱石

曰河從都慮至羊腸倉石曰河在定州唐昌縣東北

原注本漢苦陘縣今直隸正定府唐縣

縣北

通典嵐州宜芳縣

今山西太原府嵐縣

即漢汾陽縣積粟所在謂之

羊腸倉石磴繁委若羊腸焉

原注水經注案邵國志常山南行唐縣有石曰谷

今直隸正定府行唐縣

漢南行唐後魏行唐西有磁河

集證

水經汾水出太原汾陽縣北管涔山注漢高帝十一年封斬強為侯國後立屯農積粟在斯謂之羊腸倉山有羊腸阪在

晉陽西北石磴繁委若羊腸焉故倉阪取名矣漢承平中治呼沱石曰河按司馬彪後漢郡國志常山南行唐縣有石曰谷蓋資乘

呼沱之水轉山東之漕自都慮至羊腸倉將馮汾水以漕太原用實秦晉苦役連年轉運所經凡二百八十九隘死者無算拜鄧訓

為謁者監護水功訓隱括知其難立具言肅宗肅宗從之全活數千人和熹鄧后之立叔父以為訓積善所致也羊腸即此倉也

御覽四十五引隋圖經曰房山俗號王母山歲水出焉亦為石口水謂之鹿水出行唐縣東入博陵謂之木刀溝一為袈裟水又從此過石童山南流入滹沱河

張騫傳天子案古圖書名河所出山曰崑崙

爾雅案通典疑所謂古圖書即禹本紀最是

漢武帝以于闐山出玉因名河所出曰崑崙博雅曰崑崙虛赤

水出其東南陬河水出其東北陬洋水出其西北陬弱水出其

西南陬河水入東海三水入南海

在肅州酒泉縣

今甘肅肅州

西南山有崑崙之體故名之

後漢明紀注原注朱文公

曰一書之語似得其實水經言崑崙去嵩高五萬里恐不能若此之遠

通典今吐蕃中河從西南數千里向

東北流見與積石山下河相連轉使涉歷無不言之吐蕃自云

崑崙山在國中西南則河之所出也

爾雅案通典疑所謂古圖書即禹本紀最是

崑崙析支渠搜西戎即敘後漢書云西羌在漢金城郡之西南

爾雅案通典疑所謂古圖書即禹本紀最是

爾雅案通典疑所謂古圖書即禹本紀最是

爾雅案通典疑所謂古圖書即禹本紀最是

爾雅案通典疑所謂古圖書即禹本紀最是

濱于賜支續漢書河關原注縣屬金城郡今積石軍西可千餘里有羌謂之賜

支蓋析支也唐書黨項德寧漢西羌別種其地古析支東距松州西葉護言春榮迷桑等處北之谷澤然則析

支在積石之西是河之上流明矣崑崙在吐蕃中當亦非謬原注注爾雅河出崑崙虛色白所渠并千七百一山黃白里一小曲十里一曲一直積推釋翁離騷道吾道大崑崙九歌登崑崙兮西望三三此條乃附見不應置章帝之下靈帝

集證地理今釋嶠嶠山在今西蕃界有三山一名阿克坦齊嶠一名巴爾布哈一名巴顏喀拉總名枯爾坤譯言嶠嶠唐吐蕃

傳劉元鼎所謂紫山也案地圖河出巴顏喀拉山東名阿爾坦河

東北流三百餘里合鄂敦喀拉諸泉源元史所謂火致腦兒即星

宿海也滙為查靈鄂靈二海子折而北經蒙古托羅海山之南轉

東南流千餘里經烏魯蘇乃山下折而西北流三百餘里繞阿木

你馬勒產丹孫山之東即元史所謂嶠嶠山也流百五十餘里有

齊普河呼烏蘇河自西來入之又迤邐東北流三百餘里會恰

克圖表俄羅濟諸水歷歸德堡經積石山至陝西臨洮府河州入

中國界過蘭州又折而東北經夏衛流出塞外又東南至延安

府府谷縣入塞南流至潼關衛又折而東由河南山東界至江南淮安府安東縣入海

靈帝光和六年金城河溢靈帝紀

金城郡今蘭會西寧湟州積石軍今甘肅西寧府

歷代田制攷

秦廢井田開阡陌原注周顯王十九年漢地理志秦孝公用商君制

周顯王十九年為秦孝公之十二年初取小邑為三十一縣今為田開

阡陌程易田云應劭風俗通之言見於秦本紀索隱所引者作河東以東西為阡

南北為陌朱子開阡陌辨引風俗通之言見於戴侗六書故者亦作河東以東西

為阡南北為陌今風俗通及此載朱子之所引者並謬河東為河南蓋不知南東

其畝之制而轉寫者妄改之也夫阡陌之名自從遂人百畝千畝百夫千夫生義

但畝有南東則阡陌各有縱橫其曰遂而溝澮者乃鄭康成氏以南畝圖

之以曉人者非謂天下之田盡遂而溝澮也其畝則又遂而澮而溝

澮縱矣胡可以南畝之圖擬遂人之制哉畝有南東故應氏兩說以別之初不

可以偏廢也至于匠人阡陌則因乎遂人而名之義不繫乎畝與夫之千百而不

妨其阡陌而阡陌之所謂不可與要推變所適者也未嘗作阡陌考圖而詳辨

通典曰按周制步百為畝畝百給一夫商鞅佐秦以一夫力餘

地利不盡於是改制二百四十步為畝百畝給一夫又以秦地曠而人寡晉地狹而人稠訪晉人發秦地利優其田宅復及子孫而使秦人應敵於外大率百人則五十人為農五十人習戰兵強國富職此之由通典朱文公開阡陌辯曰說者之意皆以開為開置之開言秦廢井田而始置阡陌也按阡陌者舊說以為田閒之道蓋因田之疆畔制其廣狹辨其橫從以通人物之往來即周禮所謂遂上之徑溝上之畛澮上之涂澮上之道也然風俗通云南北曰阡東西曰陌又云河南史記注以東西為阡南北為陌風俗通引見史記秦本紀開阡陌注說文路南北為陌二說不同今以遂人田畝夫家之數考之當以後說為正蓋陌之為言百也遂澮從而徑涂亦從而遂開百畝澮開百夫而徑涂為陌矣阡之為

言千也溝澮橫而畛道亦橫則溝開千畝澮開千夫而畛道為阡矣阡陌之名由此而得至於萬夫有川而川上之路周於其外與夫匠人井田之制遂溝澮澮亦皆四周則阡陌之名疑亦因橫從而命之也然遂廣二尺溝四尺澮八尺澮一尋則丈有六尺矣徑容牛馬畛容大車涂容乘車一軌道二軌路三軌則幾二丈矣此其水陸占地不得為田者頗多所以正經界止侵爭時畜洩備水旱為永久之計商君以急刻之心行苟且之政但見田為阡陌所束而耕者限於百畝則病其人力之不盡但見阡陌之占地太廣而不得為田者多則病其地利之有遺又當世衰法壞之時歸授之際必有煩擾欺隱之姦而阡陌之地切近民田又必有陰據自私而稅不入於公上者是以盡開阡

因學... 卷...
陌悉除禁限而聽民兼并買賣以盡人力墾闢棄地悉為田疇
不使有尺寸之遺以盡地利使民有田即為永業而不復歸授
以絕煩擾欺隱之姦使地皆為田皆出稅以覈陰據自私之
幸此其為計正猶楊炎疾浮戶之弊破租庸以為兩稅唐書楊炎傳
貨志蓋一時之害雖除而千古聖賢傳授精微之意於此盡矣故
秦紀鞅傳皆云為田開阡陌封疆而賦稅平蔡澤亦曰決裂阡
陌以靜生民之業而一其俗所謂開者乃破壞剗削之意而非
創置建立之名所謂阡陌乃三代井田之舊而非秦之所置矣
所謂賦稅平者以無欺隱竊據之姦也所謂靜生民之業者以
無歸授取予之煩也朱子開阡陌大事記解題曰決裂云者唐虞三
代井田之制分畫堅明封表深固非大用力以決裂之不能遽

掃滅其迹也秦始皇三十一年使黔首自實田使井田不廢何
患田之不實乎

集證阡陌之說朱子謂以遂人田畝夫家之數考之當以風俗
通後說為正槐按小雅信南山詩云我疆我理南東其畝劉
執中曰其遂東人於溝則其畝南矣其遂南人於溝則其畝東矣
嘗即其說推之東其畝則遂流從而溼塗亦從溝澮橫而眇道亦
橫是東西為阡南北為陌也南其畝則遂流橫而溼塗亦橫溝澮
從而眇道亦從是又南北為阡東西為陌也遂人之制似不可泥
漢董仲舒請限民名田漢書食貨志武帝時仲舒說上曰古井田法雖
難猝行宜少近古限民名田以贖不足塞兼并
之路然後
可善治也

名田占田也各為立限不使富者過制貧弱之家可足也食貨志注
原注武帝時賈人有市籍及家屬皆無得名田胡氏曰限田終不能行者以人主自為兼并
無以使民興於廉也

集證玉海百七十六大事記元狩五年限民田

趙過教民為代田

食貨志武帝末年海征伐之事乃封丞相為富民侯下詔曰方今之務在於力農以趙過為搜粟都尉過能為代田一畝三畦歲代處故曰代田古法也程易田云趙過為代田見漢書食貨志一畝三畦歲代處一夫三百畝而播種於畝中蓋一夫百畝畝以疆畝本百畝也今於畝中更為三畦以播種於是一夫三百畝矣畝間三百畝亦三百畝代田者更易播種之名畝播則墾休歲歲易之以畝處墾以墾處畝故曰歲代處也○繼序按孟子深辨以此

代易也周官大司徒不易一易再易之地有三等

原注公平傳注可空詳別田之

高下善惡分為三品上田一歲一墾中田二歲一墾下田三歲一墾宣十五年一初稅畝傳注

左傳晉作爰田僖公十年晉

語云作轅田轅易也漢地理志秦商君制轅田原注轅與爰同易也食貨志

歲耕種者為不易上田休一歲者為一易中田休二歲者為再

易下田三歲更耕之自爰其處食貨志鹽鐵論御史曰古者制田

百步為畝民井田而耕什而藉一先帝哀憐百姓之愁苦衣食

不足制田二百四十步而一畝率三十而稅一鹽鐵論未通篇

師丹建言限名田

食貨志哀帝時師丹請建限田下其議孔光何武請吏民名田無過三十頃

王嘉奏曰詔書罷苑而以賜董賢二千餘頃均田之制從此墮

壞王嘉傳述孟康曰自公卿以下至於吏民名日均田皆有頃數於品制中令均等

新莽更名天下田曰王田不得買賣食貨志

建武十五年詔州郡檢覈墾田戶口

後漢光武紀建武十五年六月庚午詔下州郡檢覈墾田頃畝及戶

口年紀百官志注切廣曰秋冬歲盡各計戶口墾田錢穀入出上其集簿丞尉以下歲請郡課校

通典曰自秦孝公隴經界立阡陌雖獲一時之利而兼并踰僭

興矣阡陌既弊又為隱覈隱覈之法憑乎簿書簿書既廣必藉

眾功藉眾功則政由羣吏政由羣吏則人無所信矣

後魏孝文太和九年詔均田男夫十五以上受露田

不栽樹者謂之露田四

十畝婦人二十畝通典

劉氏恕曰後魏均田制度似今世佃官田及絕戶田出租稅非如三代井田也魏齊周隋兵革不息農民少而曠土多故均田之制存至唐承平日久丁口滋衆官無閒田不復給授故田制爲空文唐志食貨志云口分世業之田壞而爲兼井似指以爲井田之比失之遠矣

集證通典孝文太和元年三月詔一夫制田四十畝男三十畝無更均量審其徑術令細人獲資生之利豪右靡餘地之盈帝深納之由是始議均田九年冬十月丁未詔均給天下人田諸男夫十五以上受露田四十畝婦人二十畝奴婢依良丁牛一頭受田三十畝身沒則還田諸宰民之官各隨遠近給公田有差職分田始於此八年秋始頒祿

北齊河清三年令民一夫受露田八十畝婦人四十畝

集證通典北齊河清三年令男子十八受輸調二十充兵六十免力役六十六退田免租調職事及百姓請墾田者名爲永業

田一夫受露田八十畝婦人四十畝每丁給永業二十畝爲桑田不在還受之限土不宜桑者給麻田

隋文帝開皇十二年京輔三河地少人衆發使四出均天下之田其狹鄉每丁纔至二十畝通典

集證通典隋文帝令自諸王以下至都督皆給永業田各有差多並課植以桑榆及棗其田宅率三口給一畝開皇九年墾田千九百四十萬四千二百六十頃每戶二頃餘十二年文帝以天下戶口歲增京輔及三河地少而人衆議者咸欲徙就寬鄉帝乃發使四出均天下之田其狹鄉每丁纔至二十畝老小又少焉至大業中志云五年天下墾田五千五百八十五萬四千四十一頃每戶各得五頃

唐武德七年會要武德七年三月二日初定均田丁中之民給田二頃篤疾減十之六貧妻妾減七皆以十之二爲世業八爲口分

唐食貨志

范氏曰唐初定均田有給田之制蓋由有在官之田也其後給

田之制不復見蓋官田益少矣林氏勳曰周制步百為畝百畝

僅得唐之四十餘畝唐之口分人八十畝幾倍於古蓋正觀之

盛戶不及三百萬永徽唯增十五萬若周則王畿千里已有三

百萬家之田列國不與焉是以唐制受田倍於周而地亦足以

容之狹鄉雖裁其半猶可以當成周之制然按一時戶口而不

為異日計則後守法難矣原注既無振貧之術乃許之賣田後魏以求弊

既無振貧之術何亦永徽中洛多豪右占田踰制賈敦頤舉

沒三千餘頃贖貧民賈敦頤

集證唐食貨志唐之始時授人以口分世業田而取之以租庸調

之法唐制二百四十步為畝百畝為頃授田之制丁男年十

八以上人一頃其八十畝為口分二十畝為永業老及疾者人四

十畝寡妻妾三十畝永業之田植榆桑及所宜木田多可以足

其人者為寬鄉少者為狹鄉狹鄉授田減寬鄉之半凡徙鄉及貧

無以葬者得賣世業田自狹從寬得并賣口分田已賣不復授死

開元九年宇文融為勸農使括逃戶及籍外田元宗紀宇文融傳

集證元宗紀開元九年正月括田通鑑二月乙酉敕有司議丁

隱人去本籍詭脫絲賦豪弱相并融由御史陳便宜請校天下籍

收匿戶羨田以融為覆田勸農使詔道收沒戶八十萬田稱是

陸贄論兼并之家私斂重於公稅請為占田條限陸贄奏議均

後周世宗以元稹均田圖賜諸道詔艾穎等分行諸州均定田租

五代史原注會要云見元稹在

今按元稹同州奏均田曰因農務稍暇令百姓自通手實二字

子狀又令里正書手等傍為穩審並不遣官吏擅到村鄉略無

欺隱除去逃荒其餘頃畝取兩稅元額通計七縣沃瘠一例作

分抽稅元稹奏蘇氏曰三代之君開井田畫溝洫謹步畝嚴版

圖學紀聞五季全書卷之六上

圖因口之寡寡以授田因田之厚薄以制賦經界既定仁政自

成下及隋唐風流已遠然其授民田有口分世業人百畝八為口分二為世業

皆取之於官其斂民財有租庸調唐初始定租庸調之法以天下

畝但歲納租粟二石二曰調每丁隨鄉土所出歲輸絹或綾絁共二丈

絁三兩輸布者麻三斤三曰庸每丁定役二十日不役則日為絹三尺

皆計之於口其後變為兩稅德宗時楊炎作兩稅法夏輸無過六月

世業之田壤而為兼井租庸調之法壞而為兩稅戶無主客以見居為簿人無丁中以貧

富為差貧者急於售田則田多而稅少富者利於避役則田少

而稅多僥倖一興稅役皆弊嘉祐中薛向孫琳始議方田量步

晦審肥瘠以定賦稅之入何云今之丈量猶好止方田法也熙寧中呂惠卿復建手

實授私隱崇告託以實貧富之等元豐中李琮追究逃絕均虛

數虐編戶以補失陷之稅此三者皆為國斂怨所得不補所失

昔宇文融括道客戶州縣觀望虛張其數以實戶為客雖得

戶八十餘萬得錢數百萬而百姓困弊實召天寶之亂均稅

之害何以異也張子曰治天下不由井地終無由得平周道止

是均平官大離張子行狀

南唐烈祖李昇廟號烈祖分遣使者按行民田以肥瘠定其稅

集證通鑑晉天福六年南唐昇元五年唐分遣使者按行民田以

皆以稅錢為率至今用之

校訂困學紀聞五箋集證卷之十六下

浚儀 王應麟 伯厚 潛邱閣氏 謝山全氏 易田程氏 義門何氏 樸山方氏 蔚亭葛氏 四明屠繼序補

攷史

歷代漕運攷

漢

渭渠 渭水志元光中鄭當時為大司農言異轡關中漕粟從渭上度六至河三百餘里徑易漕度可合三月罷

渭水出臨州狄道縣東北 今甘肅蘭州府渭源 至華州華陰 今陝西同州府華陰縣

入河劉仲馮 名奉世 曰今渭納至長安僅三百里固無九百餘里

而穿渠起長安旁南山至河中開隔灞澇數大川無緣山成渠之理此說可疑今亦無其迹西都賦通溝大漕濱渭洞河

襄斜道故道

渭道果便近而水多湍石不可漕

襄水通沔在興元府褒城縣

原注出嶺山至南鄭入沔

斜水通渭

在京兆府武功縣

故城原注出高嶺山北流至郿入渭

故道今鳳州

梁泉縣

今陝西漢中府鳳縣

集證

明地理志陝西漢中府褒城縣東北有襄谷亦曰商谷自此出連雲棧北抵斜谷之道也南有沔水又城東有襄水亦曰黑龍江下流入沔水鳳翔府郿縣西有嶺山襄水出其南流入沔斜水出其北流入渭又西南有斜谷南入漢中有斜谷關

河內

後漢寇恂傳光武命寇恂守河內郡輦車驪駕四百萬斛以給軍

懷衛一州之地

今河南懷慶衛輝二府

東冶零陵桂陽嶠道

後漢鄭宏傳舊交趾七郡轉運皆從東冶汎海運初八年宏為司農奏開零陵桂陽嶠道於是夷逼

東冶福州閩縣

今福建福州府閩縣

零陵郡南臨源嶺

原注永州今湖南永州府零陵縣

桂陽郡臘嶺

原注郴州○今湖南郴州府桂陽縣

集證

按晉戴凱之竹譜注以南康始安臨賀為北嶺臨章寧浦為南康記臺嶺今名大庾嶺桂陽騎田嶺九真都龐嶺臨賀萌浩嶺始安越城嶺唐書注云大庾嶺在虔州永明嶺白芒嶺在道州臘嶺在郴州各有小異

沮下

後漢虞詡傳先是運道艱險舟車不通驢馬負載就五致一謂按行川谷自沮至下辨數十里皆燒石剪木開槽船道以人僦直雇借傭者於是水運通利歲省四千餘萬

沮縣

今興州順政縣下辨今成州同谷縣

漢屬武都階為興州順政

陝西漢中府略陽縣

下辨縣漢下辨道屬武都西魏改同谷唐為成州同谷

今甘肅階州成縣

原注續志下辨東三十餘里有峽中當水泉生大石登壑流三春夏輒溢虞詡使人燒石以水溉之石皆裂因鑄去石遂無水漲之患

集證

按漢地理志武都郡沮縣沮水出東狼谷

東狼谷故知沔水一名沮水也

地理今羣沮縣即今陝西

漢中府隆陽縣東南至河
縣西南入漢水名曰沮口

斜谷 蜀志後主傳建興十一年冬亮使諸軍運米集於斜口治斜谷郵閣十二年二月亮由斜谷出師以流馬運諸葛傳十二年春亮悉大衆由斜谷出以流馬運據武功五丈原

郡國志右扶風武功縣有斜谷注漢斜谷在長安西南南口褒

北口斜長百七十里其水南流 原注武功今鳳翔府郿縣

魏

陳項壽春 晉書食貨志魏正始四年宣帝又督諸軍伐吳將諸葛恪焚艾行陳項以東至壽春地艾以為宜開河渠通運漕之道按通鑑事在正始二年

通典潁州魏汝陰郡 今安徽潁州府 **艾屯山於此陳項陳州宛止項**

城縣 宛止今河南陳州府之淮寧 **壽春見前** 今江南鳳陽府壽州 **晉志脩廣**

淮陽百尺二渠上引河流下通淮潁 晉書食貨志原注通典陳州宛止縣有百尺堰隋志潁川郡北

舞縣有百尺溝都縣志百尺堰在潁州汝陰縣西北二百里

集證 明地理志河南陳州治東有百尺溝即沙水下流也

晉

潢清水楊口 晉書杜預傳預都督荊州吳平還鎮修召信臣遺跡激用起夏水達巴陵千餘里內瀉長江之險外通零桂之漕

漢地理志潢水出魯陽縣魯山 今河南汝州魯山縣 **東北至定陵** 今河南許州鄆

城入汝 原注魯陽汝州魯山縣定陵故城在蔡州鄆城縣西北 **潢水出鄆縣** 今河南南陽府內鄉縣東有廢鄆縣

西北南入漢 原注鄆故城在鄆州臨潁縣南陽府鄆州 **通典復州河陽縣漢雲杜縣**

今湖北漢陽府 **杜預為荊州刺史開楊口達巴陵徑千餘里內避**

長江之險通零桂之漕即此也 原注零陵桂陽見前

集證 明地理志河南汝州魯山縣東有魯山西有堯山南有潢水出堯山流入葉縣界合昆水沙河水入汝 南陽府南

陽縣東有清水一名白河下流至湖廣襄陽縣界入漢水
河陽州景陵縣今改天門西北有雲杜廢縣南有河水西南有楊
水北注河亦曰揚口亦曰中夏口又為楊林二又有中水
亦流合楊水謂之中口又西北有甘魚陂東南有橫桑口
石門晉書桓溫傳溫使豫州刺史袁粲改譙梁開石門
以通水運真克譙梁而不能開石門水運路塞

水經注滎濱水受河水有石門謂為滎口石門濟水又東合滎濱注

集證明地理志河南鄭州河陰縣今併入開封府滎澤縣西有石門渠即古滎口也亦曰汴口又西有河口倉唐時置

千金場晉書懷帝紀

永嘉元年脩千金場於許昌以通運懷水經注河南縣城東十五里有千金場洛陽記曰千金場舊堰穀水魏時更脩積石為場開溝渠五所謂之五龍渠渠上立場原注場是都水使者陳協造原注本水經注水歷場東注謂之千金渠以上並見水經穀水注
原注許昌許州今河南許州東有故許昌城今潁昌府今河南禹州朱屬潁昌府
許田鎮劉曜攻石生於金塘決千金場以灌之

隋

蒲陝衛汴黎陽汾晉渭水廣通渠大興城潼關隋書食貨志開皇三年以京師倉廩

尚虛詔於蒲陝號熊伊洛鄭懷邠衛汴許汝等水次十三州置募運米丁又於衛州置黎陽倉洛州置河陽倉陝州置常平倉華州置廣通倉轉相灌注漕關東及汾晉之粟以給京師四年又詔宇文愷鑿渠引渭水自大興城東至潼關三百餘里名曰廣通渠

蒲州原注河中府今山西蒲州府汴州原注開封府今河南開封府黎陽原注今滑州今河南衛輝府滑縣汾州原注今山西汾州府

晉州原注平陽府今山西平陽府京兆府原注今西安府前年縣隋改為大興縣今陝西同州府

廣通渠在華州今陝西同州府廣通倉原注隋紀幸霸水觀漕渠今咸寧縣

潼關在華州華陰縣今屬同州府渭水在萬年縣北五十

里東流二百四十里至華陰縣東北流二十五里自永豐倉入

河謂之渭口永豐倉亦曰渭口倉

山陽瀆隋書文紀開皇七年四月庚戌於揚州開山陽瀆以通運漕

國朝通志卷一百一十一

楚州山陽縣原注今淮安州今江蘇淮安府治山陽縣山陽廣即邗溝也

砥柱隋食貨志開皇三年遣倉部侍郎韋瑱向蒲坂以東募人能於洛陽運米四十石經砥柱之險達於常平者免其征戍

陝州硤石縣原注今省入陝縣今河南陝州有底柱山州東有底柱山在大河中俗名三門山

在縣東北五十里河水分流包山山見水中若柱然又以禹治

洪水山陵當水者破之三穿既決河出其間有似於門故亦謂

三門河水分流包山以下至此見水經注唐太宗勅銘

集證通典陝州陝石縣底柱山太宗命魏徵勅銘或云銘乃特進魏徵之詞有仰臨底柱北望龍門茫茫禹迹浩浩長源之語

命有司勅銘

通濟渠穀洛水板渚邗溝隋書楊紘大業元年發河南諸郡開通濟渠自西苑引穀洛水達於河自板渚引河通於

淮海自是天

通典汴渠在河南府河陰縣南二百五十步今名通濟渠隋楊

帝開導西通河洛南達江淮原注河陰後屬孟州汴州有通濟渠隋楊帝開

引黃河水以通江淮漕運兼引汴水即浪宕原注與渠也原注隋志在浚儀縣

今河南開封府祥符縣九域志汴水古通濟渠也在開封縣今祥符縣東有開封廢縣周

語穀洛關注云洛在王城之南穀在王城之北東入于漢至靈

王時穀水盛出於王城之西而南流合於洛水原注山海經謂水西

設水本謂水經北流注于穀水通典苑中入于洛板渚水經河水又東合汜水又東逕板城北注云有

津謂之板城渚口水經河水注原注在孟州汜水左傳吳城邗

溝通江淮注云於邗江築城守溝東北通射陽湖西北至末口

閘云案王氏引杜注末口與水經注合足徵今注疏作末口者非入淮通糧道也今廣陵韓江是左傳哀九

原注自楚州寶應縣今揚州府寶應縣北流入海入江原注是淮入江不應

旋云江入淮也

永濟渠

隋煬帝紀大業四年又發河北諸郡開永濟渠引沁水南達於河北通涿郡

國史志大名府永濟縣有永濟渠

原注今有鎮入臨清縣今山東臨清縣○至三抄隋大業四年正月詔

穿永濟渠引沁水南達於河北通涿郡

集證

瓊山邱氏曰隋開廣通通濟永濟三渠以通天

東萊海口

隋地理志東萊郡舊置光州開皇五年改曰萊州

東萊郡萊州西至海二十九里北至海五十里東南至海二百

五十里

至云此征遼之運道也大業八年勅運黎陽洛口太原等倉穀向望海頓胡三省曰當在遼西

唐

三門河陰柏崖集津倉

原注倉嘉倉太原倉唐食貨志開元十八年裴耀卿請於河口置武

牢倉鞏縣置洛口倉使江南之舟不入黃河黃河之舟不入洛口元宗不省二十一年又請罷陸運而置倉河口乃於河陰置河陰倉河西置柏崖倉三門東置集津倉西置鹽倉鑿山十八里以陸運自江淮漕者皆輸河陰倉自河陰西至太原倉謂之北運自太原倉浮渭以實京師

益漕魏漢等郡租輸諸倉轉而入渭

裴耀卿於三門東西置倉開山十八里為陸運以避其險卒泝

河而入渭

原注三門山見前砥柱地理志河南府河陰縣前開元二十二年置

領河陰倉

原注會昌三年屬孟州今河南府孟津縣咸亨四年置柏崖縣尋

省有柏崖倉陝州平陸縣

今山西解州平陸縣三門西有鹽倉東有集津

倉陝縣有太原倉

今河南陝州與山西平陸縣接境州西南有故太原倉六典東都曰含嘉

倉自含嘉倉轉運以實京之太倉自洛至陝運於陸自陝至京

運於水

原注揚慎名為含嘉倉出納使○分司五慎名開改慎於非按通鑑慎矜知太府出納慎名知含嘉倉也劉晏移書

曰陝郊見三門集津遺迹

原注會子固曰宋興承制制簡集津之運轉脚中之粟以給大梁李泌自集

津至三門鑿山開車道以避底柱之險

原注五城志陝州平陸縣三門集津鎮

漕水望春樓廣運潭

唐食貨志韋堅絕霸漕並渭而東至永豐倉與渭合又於長樂城漕發增學運於望春樓下以聚漕

國史紀開元五年集津登

舟玉海會要云天寶元年三月陝郡太守韋堅引洛水開廣運潭於望
春東自華陰永豐倉以通河渭至二年三月二十六日名潭曰廣運按
唐地理志作
天寶三載

地理志京兆府萬年縣有南望春宮臨澧水今陝西西安府咸

西岸有北望春宮宮東有廣運潭華州華陰縣有漕渠自苑西

引渭水因石渠會灞澮經廣運潭至縣入渭天寶三載韋堅開

據高明燭幽隱所以因龍首而建望春姚南仲傳

上津扶風洋川唐志商州上津縣義興二年以上津豐利廣上置上津

日鳳翔二載復郡故名號西京為府洋州洋川郡武德元年

年析梁州之西鄉黃金與勢置天寶十五載徙治興道

商州上津縣原注漢長利縣今湖北鄖陽扶風郡鳳翔府原注自襄陽取上津

抵扶風德宗治洋川郡洋州今陝西漢中府洋縣原注沂

漕運自江漢抵梁洋原注梁州興元府漢中府

集證明地理志陝西漢中府洋縣後魏置興勢縣東南有廢

汴水梁公堰唐書劉晏傳晏至河陰鞏洛見宇文愷梁公

劉晏疏浚汴水見宇文愷梁公堰通典汴口堰在河陰縣西二

十里又名梁公堰隋開皇七年使梁賡增築漢古堰過河入汴

原注會要開元二年李傑奏汴州東有梁公堰堰破

甬橋渴口蔡水通鑑建中二年李正己反屯兵甬橋江淮漕船積千餘

發漕船相銜進賊兵熟視不敢動食貨志李納曰說守渴口京師大

恐注淮水陸轉運使杜佑以秦漢運路出浚儀十里入琵琶溝絕蔡河

甬橋在宿州符離縣今安徽鳳陽渴口在濠州鍾離縣今安徽鳳陽

縣九十里杜佑以漢運路出浚儀十里入琵琶溝絕蔡河至陳

州今河南陳州府淮寧縣而合原注李勉治蔡渠引東南饋通典汴州浚儀縣有蔡水源注

志祥符縣有蔡河建隆元年浚蔡河設斗門二年導閔水自新鄭河南開封府治

今屬開封府與蔡水合貫京師南歷陳頊達壽春以通淮右之漕以西

南為閔河東南為蔡河開寶六年改閔河為惠民河原注與蔡河一水李

泌曰江淮漕運自淮入汴以前橋為咽喉

集證明地理志安嶽屬陽府汴州漢符離縣汴橋在北亦名符離

橋又懷遠縣東北有溝曰汴水自河南鹿邑縣流入境至縣

東入淮故謂之汴口舊圖經琵琶溝形似琵琶故名在開封城

南西從中牟界入通濟渠揚帝欲幸江都始鑿此溝至海二十

二年正月浚蔡渠命右領軍上將軍陳承昭督其役導閔水與蔡

水合以通淮右之漕舟楫畢至都人利之于是以西南為閔河東

南為蔡河乾德二年二月鑿渠自長社引溟水至京師合閔水渠

成民無水患閔河之漕益通開寶六年三月壬午改閔河為惠民河

金商運路唐地理志金州漢陰郡本西城郡天寶元年

通典金州今陝西興安府去西京九百九十一里商州今陝西商州去西京

三百里

渭橋東渭橋唐食貨志貞元中詔浙江東西節度使韓

渭橋三輔故事秦昭王作長三百八十步郡縣志申渭橋在咸

陽縣今陝西西安府咸陽縣東南十二里渭水南去縣三里東渭橋在

萬年縣東後漢注渭橋本名橫橋在咸陽縣東南今咸陽縣東有

水便橋跨其上即西渭橋也

揚子院淮陰項城頴潁會要元和十一年十二月始置淮頴水運揚子

口又派流至頴州沈丘界五百里至於陳州項城又派流五百里入於

潁河又三百里輸於鄆城得米五十萬石附之以麥一千五百萬束計

其功省汴運七萬六千貫

揚州揚子縣原注今屬真州今江蘇揚州府儀徵縣廣明元年高駢奏改揚子院為

蔡水復注見前

蔡河貫京師兼閔水見前洧水出今河南府登封縣北陽城山經洧川縣流至西華縣合潁水潁水一名具茨山流至祥符縣西南合閔水以通陳潁之漕蓋古琵琶

溝也元祐四年知陳州胡宗愈議古八丈溝可開浚分蔡河之水自為一支由潁壽入淮楊侃皇畿賦天設一渠曰蔡曰汴通江會海縈畿帶甸千倉是興萬庾是建

原武

原武縣屬鄭州今河南懷慶府原武縣

兩漢崇儒攷

漢高祖十二年過魯以太牢祠孔子史記

史記世家孔子葬魯城北泗上弟子及魯人往從冢而家者百

有餘室因命曰孔里魯世世相傳以歲時奉祠孔子冢而諸儒

亦講禮鄉飲大射於孔子冢孔子冢大一頃故所居堂弟子內

何公故所居堂弟子內七字疑有脫誤云云當云弟子所居堂內後世因廟藏孔子衣冠琴車書至於

漢二百餘年不絕高皇帝過魯以太牢祠焉諸侯卿相至常先

謁然後從政孔子世家皇覽曰孔子冢去城一里冢塋百畝冢南北

廣十步東西十三步高一丈二尺冢前以瓠瓠為祠壇方六尺

與地平本無祠堂冢塋中樹以百數皆異種魯人世世無能名

其樹者民傳言孔子弟子異國人各持其方樹來種之引見御覽五百

六水經注云從征記曰洙泗二水交於魯城東北十七里闕里

背洙泗牆間云案以正義引伍緝之從征記校洙泗牆二字當作洙泗南北一百二十步東西六十步

四門各有石闕北門去洙水百餘步孔叢曰夫子墓塋方一里

魯人藏孔子所乘車於廟中是顏路所請全五四者也獻帝時廟

遇火燒之並見水經泗水條注儒林傳高帝誅項籍舉兵圍魯魯中諸儒

尚講誦習禮樂弦歌之音不絕豈非聖人之道化好禮樂之國

哉

武帝建元五年置五經博士元朔五年為博士置弟子漢書

晉灼曰西京無太學漢藝文志曲臺后倉九篇下注公孫弘曰請因舊官而興焉

其肄習之地則太常也傳授之師則五經博士也漢書儒林傳三輔

黃圖漢太學在長安西北七里玉海去城七里東為常滿倉倉之北為市三輔舊事云漢太學中有

市有獄黃圖五關中記在安門之東杜門之西引見宋敏求長安志何武歌太學

下王莽傳王咸舉幡太學下魏宣則有太學矣或曰晉灼以漢初

言黃圖記武帝時關云案漢書武帝紀贊曰興太學全云魏韓延壽傳則其時郡邑亦有學官不獨文翁所倡設也但不能皆備耳

魏按宣帝紀本始二年詔亦云考武興太學

集證按吳仁傑謂太學興於元朔三年詳見兩漢刊誤補遺五

宣帝甘露三年詔諸儒講五經同異於石渠閣宣紀儒林傳

三輔故事石渠閣在未央宮殿北藏祕書之府漢書儒林傳注黃圖

云蕭何造其下確石為渠以導水何云慮所藏八關所得秦之圖

籍全云古人藏圖籍之地必穿池沼蓋亦以五行之運為制火地黃圖又云至成帝時又於此藏祕書焉

成帝綏和元年封孔子為殷紹嘉侯成紀原注匡衡梅福以為宜封孔子世為湯後劉向說上宜

興辟靡設庠序原注未作而罷

集證統志孔吉孔

平帝元始元年封孔均為褒成侯紀

漢表殷紹嘉侯在沛郡今江西南陽褒成侯在瑕丘原注今兗州瑕丘縣今山東兗州府滋

錢云○孔
蘇載元嘉
三年司徒
雄等奏稱
褒成侯四
時來祠又
韓勅碑立
於永壽二
年其陰有
褒成侯孔
建壽名洪
氏隸釋據
安帝紀延
光三年賜
褒成侯帛
及此二碑

陽後漢孔僖傳平帝時封孔均孔子十世孫追謚孔子為褒成宣尼
公建武十三年東觀漢記復封均子志為褒成侯子損嗣永元
四年徙封褒亭侯

集證御覽二百一引東觀漢記建武二年封毀紹嘉公為宋公用承休公為衛公十四年封孔子後孔志為褒成侯闕里譚

孟十六代均字長乎襲封闕里侯平帝更封褒成侯子志光武幸魯祠孔子封褒成侯魏按隸釋孔繇碑永興元年立史晨碑建武二年立二碑皆在永元之後仍稱褒成侯又考安帝紀延光三年賜褒成侯第韓勅碑陰有褒成侯建壽即損也盤洲云損未嘗徙封傳誤

世祖建武五年初起太學帝還視之十九年又幸太學中元元年起辟廱後漢光武紀

集證後漢光武紀建武五年初起太學車駕還宮幸太學此云還視從綱目又按發明云禮王制王親視學則學謂之視者古也自漢以來則謂之幸矣綱目特書曰視者蓋亦推原古制也

明帝永平二年臨辟廱行大射養老禮十五年至魯詣孔子宅明紀

集證後漢明紀書幸孔子宅此云詣從綱目

章帝建初四年詔諸儒會白虎觀議五經同異元和二年至魯祠孔子及七十二弟子於闕里作六代之樂大會孔氏男子六十二人章紀

集證後漢丁鴻傳肅宗詔鴻與廣平王羨及諸儒論定五經同異於北宮白虎觀注引東觀記曰白虎門名於門立觀因以名之虎奏議今白虎通是

安帝延光三年祀孔子及七十二子於闕里還幸太學安紀

洛陽記太學在洛陽城故開陽門外去宮八里講堂長十丈廣

三丈引見後漢世祖紀建武五年注述征記在國子學

東二百步引見御覽五漢官儀辟廱去明堂三百步車駕臨辟

文帝黃初二年詔稱
褒成之後
絕而莫繼
可證漢世
無改封褒
寧之事也

廟從北門入三月九日於中行大射禮引見世祖紀中元元年注

孔子宅在兗州曲阜縣故

魯城中歸德門內闕里之中背洙面泗嬰相圃之東北也引見

永平二年郡縣

學校行鄉飲祀孔子猶未立廟也續漢禮儀志

梁天監四年初立孔

子廟梁書武帝紀唐武德二年始詔國子學立廟正觀四年詔州縣

學皆作孔子廟唐書禮樂志北宮白虎門於門立觀東觀漢記

集證水經泗水注武帝臺西北二里有周公臺高五丈周五十步

順帝永建六年脩繕太學凡造二百四十房千八百五十室順紀

水經注漢置太學於國子堂東石經東有一碑陽嘉八年立閩

年九月詔脩太學用作工徒十一萬二千人陽嘉元年作畢碑

南面刻頌水經穀水條注原注獻帝初平四年太學行禮幸永福城門臨觀

集證御覽五百三十四引述征記曰大學在國子學東二百步學

下府繕治并立諸生房舍千餘間陽嘉元年畢刊於碑有太尉臧

叅司徒劉崎太常孔扶將作大匠胡廣答記制按據述征記則

立陽嘉九年八月作畢皆誤也洪氏隸釋引水經注亦仍其誤

帝熹平四年詔諸儒正五經文字刻石立太學門外續

水經注光和六年刻石鏤碑載五經立於太學講堂前東側蔡

邕自書丹於碑水經穀水條注閩云案洪氏隸釋蓋諸儒受詔在熹平而

洛陽記高一丈許廣四尺

利學紀聞五經集登卷十六

集證後漢蔡邕傳注洛陽記曰太學在洛城南開陽門外講堂長一丈廣一丈堂有石經四部本碑凡四十六枚西行尚書周易公羊傳十六碑存十二碑毀南行禮記十五碑悉崩壞東行論語三碑二碑毀禮記碑上有諫議大夫馬日磾議郎蔡邕名據此則五經者書易公羊論語禮記

魏文帝黃初二年封孔羨為宗聖侯晉書禮志此下至唐封孔子裔孫德倫為襲聖侯俱本後漢孔僖

注傳

集證按魏脩孔子廟碑云維黃初元年大魏受命紹宣尼襲成之後以魯縣百戶命孔子廿一世孫議郎孔羨為宗聖侯以奉孔子之祀盤洲云史作二年者誤也後漢孔僖傳注以羨為宗聖侯亦誤也

晉封十三世孫震為奉聖亭侯晉書禮志

集證晉志武帝泰始三年十一月改宗聖侯孔震為奉聖亭侯

太平二年詔求魯國孔氏族為奉聖侯并繕廟堂供備祀典按南史梁敬帝

後魏延興三年封二十七世孫乘為崇聖大夫太和十九年孝

文幸魯親祠孔子廟改封二十八世孫珍為崇聖侯後魏高祖紀

集證按後魏書高祖紀及北史魏高祖紀延興三年詔以孔子二十世孫孔乘為崇聖大夫皆作二十八世朱子綱目全譜系作二十七代乘

北齊封三十一世孫為恭聖侯北史齊高祖紀天保元年六月辛巳詔改封崇聖侯孔長

集證北史齊高祖紀天保元年六月辛巳詔改封崇聖侯孔長

周武帝改封鄒國公闕里譜系三十一代孫長孫襲封鄒國公

集證按北史帝紀周宣帝大象二年三月丁亥詔進封孔子為鄒國公巨數准舊并立後承襲別於京師置廟以時祭奠後周書全章懷注云周武帝平齊改封當考

隋文帝仍舊封煬帝改封紹聖侯隋書帝紀

集證隋煬紀大業四年十月丙午詔立孔子後為紹聖侯

改封紹聖侯

唐正觀十一年封裔孫德倫為褒聖侯開元二十七年以孔子後為文宣公唐禮樂志

集證闕里譜系三十三代德倫唐太宗封褒聖侯又云開元二十七年追諡孔子為文宣王收三十五代孫遜之為文宣公

宋太平興國二年孔宜襲封文宣公至和二年祖無擇言不可以祖諡加後嗣詔封宗愿為衍聖公今世襲

集證闕里譜系四十四代孫宜乾德四年拜章闕下敘家門故事授曲阜縣主簿太宗命宜子宰襲封文宣公四十六代孫聖祖襲封文宣公無嗣以堂弟宗愿承襲嘉祐中以祖無擇之言改封宗愿為衍聖公東都事略祖無擇傳至和二年詔封孔子

四十七世孫宗愿為文宣公無擇言前代封孔子之後者在漢魏曰褒尊宗聖在晉宋曰奉聖後魏曰崇聖北齊曰恭聖後周及隋封鄉國公唐初曰褒聖開元中始追諡孔子為文宣王又以其後為文宣公是以祖諡而加後嗣也乃下兩制更定美號而令世襲遂改封宗愿為衍聖公按事略以宗愿為四十七世孫當考

後魏太和十六年諡孔子曰文聖尼父

集證後魏高祖紀太和十六年二月丁未改諡宣尼曰文聖尼父告諡孔廟

唐正觀二年升孔子為先聖十一年尊為宣父武后封隆道公

開元二十七年諡為文宣王唐禮樂志

集證闕里譜系武后天授元年追封為隆道公唐禮樂志開元二十七年詔夫子既稱先聖可諡曰文宣王遣三公持節冊命以其嗣為文宣公任州長史代代勿絕

宋祥符元年幸曲阜謁文宣王廟諡文宣王五年改諡至聖

集證東都事略真宗祥符元年十一月戊午幸曲阜進謁文宣王廟加上文宣王曰先聖文宣王五年十二月壬申改諡孔子為至聖文宣王孔子世家正義引括地志曰漢封夫子十二

代孫忠為褒成侯生光為丞相封侯平帝封孔霸孫莽二千戶為褒成侯後漢封十七代孫志為褒成侯魏封二十二代孫羨為崇聖侯晉封二十三代孫震為奉聖亭侯元魏封二十七代孫珍為崇聖大夫孝文帝又封三十一代孫珍為崇聖侯高齊改封珍為恭聖侯周武帝改封鄒國公隋文帝仍舊封鄒國公煬帝改為紹聖

侯皇唐給復二千戶封孔子裔孫孔德倫為襄聖侯
括地志云云與史及闕里譜系所載封號世系又微異

按

[Faint bleed-through text from the reverse side of the page]

